

# Knare Musenke Joni Kre'nea Naneke

---

## Kemo vahe fore hu'nea naneke

**1** <sup>1</sup>Ese agafare Ke me'neane, higeno ana Kemo'a Anumzane me'ne, ana Kea e'i Anumzane. <sup>2</sup>Ese agafarera Agra Anumzane tragoteno mani'neane. <sup>3</sup>Maka'zana Agrake'za tro hu'ne, hagi mago'zana ru kampilira fore osu'ne, makazana Agrake tro hu'ne. <sup>4</sup>Agripi asimura me'ne, hagi ana asimumo'a vahe'mofo Msa'e. <sup>5</sup>Ana msamo'a hanizana remsa huntreankino hanizamo'a agateore'ne.

<sup>6</sup>Mago nera Anumzamo huntegeno e'ne, Ana nemofo agi'a Joni'e. <sup>7</sup>Ana ne'ma e'neana, Msamofo naneke hanigu e'ne. Ana hanige'za naneke'a nentahiza zamentinti hugahaze. <sup>8</sup>Agra ana msa omni'ne, hanki ana msamofo naneke hu'ama hanigu e'ne.

<sup>9</sup>Agra tamage msamo ama mopafi maka vahe remsa huzmentesigu egahie. <sup>10</sup>Ama mopafi Agra mani'ne, hagi Agra'a ama mopa tro hu'ne hu'neanagi, ama mopafi vahe'mo'za Agrira antahi'za ke'za osu'naze. <sup>11</sup>Agra'a vaheku huno e'ne, hianagi Agri vahe'mo'za ovre'naze. <sup>12</sup>Hianagi iza'zo nevareza Agri agifima zamentinti nehaza vahe'mokizmia, Agra'a hugnare hige'za Anumzamofu mofavre se'naze. <sup>13</sup>Mofavremo'za arera afa zamesitero, vahe avesitero neve avesitera forera osunazanki, Anumzamo zamazeri fore hu'ne.

<sup>14</sup>Ana Kemo vahe fore huteno, tagri'ene mani'ne. Agri msazama'a tagra ke'none, magoke ante'nea Ne'mo hanave'ane msa zama'a Nefantegati e'ne. Asunku zamo'ene tmage kemo'a avite'nea Nere. <sup>15</sup>Joni'a huama huno Agriku hu'ne. Agra kezatino amanage hu'ne, nagrama amama nehuana Agriku nehue, nagri nmage'ma ne-emo'a, nagrira nagateretfa hune. Na'ankure nagra fore osu'nogeno Agra pusante fore huno mani'neane. <sup>16</sup>Higeta tagra ana maka'mota hakare zana Agripi avitenefinti eri'none, asunku huranteno muse zama'a agumpi agumpi huno neramie. <sup>17</sup>Na'ankure kasegea Mosesempi tami'ne. Hagi asunku'zane tamage kea, Jisas Kraisimpi tami'ne. <sup>18</sup>Mopafi vahe'mo'a magore huno Anumzana

onketfa hu'ne. Anumzamofu mofavre magoke mani'neni, Nfa'amofu aumpinka mani'ne, Agra'a Anumzana mani'neni huama hu'ne.

**Joni'a agra'agu hu'nea naneke**  
(*Mat 3:1-12, Mak 1:1-8, Luk 3:1-18*)

<sup>19</sup>Ama Joni agi agenke, Jiu kva vahe'moza, mono kva pris vahe'ene Livai vahera Jerusale kumateti huma zamantage'za antahige'ku vu'za, Kagra azage? hu'za ome antahige'naze. <sup>20</sup>Antahigageno'a, agra huama nehuno vahane osu'ne, huama huno, Nagra tmazahu nera Kraisi'na omni'noe. <sup>21</sup>Hige'za, hagi azaga mani'nane? Ilaijago? hu'za hzageno, a'o, nagra Ilaijana omni'noe huno hige'za, kagra kasnampa nero? hu'za antahigageno, Agra kezmi nona huno i'o huno hune. <sup>22</sup>Hurantagetama e'nona vahe ome zamasmisunku nehune. Azaga mani'nane huta kagrikura ome zamasmigahune? Kagragura azage hunka nehane? <sup>23</sup>Agra anage hu'ne, ***Nagra mago Kezanke ka'ma mopafi mani'neni keza netiana Ramofu ka azeri ante fatgo hiho hu'nea Aisaia kasnampa ne'mo korapa hunte'nea mani'noe.*** (Aisa 40:3)

<sup>24</sup>Hu'zmantage'za e'naza Farisi vahe'mo'za, <sup>25</sup>zamagra antahige'za, amanage agriku hu'naze, kagra Kraisi'gafi, Ilaijagafi, mago Kasnampa ne'ma omninenka, nahigenka mono tina fre nezmantane? <sup>26</sup>Joni'a kenonazamire anage hu'ne, nagra amne tintfanteti mono tina frenermantoe. Hu'neanagi tmagripina magora tamagra onke'naza ne' oti'ne. <sup>27</sup>E'ima Agra nagri nmage'ma esnimo'e, Agri aga'nona knare osu'noankina katu ofegahue. <sup>28</sup>Ana nanekea Betani kumara Jodani timofu asoparega antahige'naze, anante Joni'a mono tina frezamante'ne.

<sup>29</sup>Anante kotigeno Jisasi'a agrite egeno negeno, Joni amanage hu'ne, keho, Anumzamofu sipisipi anentara, ama mopafi vahe'mokizmi kumira, Agra eri atregahie! <sup>30</sup>Ama'ne ana nera, Agriku'ma hu'na nagrama kema hu'noana, nagri namge'ma esnia nera, nagri'ra nagtereno ra agi eri'nea nere, nagra fore osu'nogeno, Agra korapa Agraragisa mani'nea nere. <sup>31</sup>Nagra antahi'na ke'na Agrira osu'noanagi, Israeli vahemo'za Agrira antahiza keza hnaze hu'na, nagra ena mono tina eme frezmante'noe. <sup>32</sup>Joni'a huama huno amanage hu'ne, Nagra kogeno Avamura maho nmamo hiaza huno monafinti eramino Agrite emanige'na ke'noe. <sup>33</sup>Nagra ke'na antahi'na Agrira osu'noanagi, Agra'a hunantegeni'na mono tina frente'noa ne'mo nagrikura anage hu'ne, kankeno'ma avamu'mo monafinkati'ma, eramino Agrite'ma emani'nea ne'mo, Agra Ruotge Avamupi mono tina fre zamantegahie hu'ne. <sup>34</sup>Nagrani'a kete'na, huama hu'na ama Anumzamofu mofavre hu'na neramasmue.

**Jisasi ese disaipol eri'za vahe'a zamavre'nea naneke**

<sup>35</sup>Anante zupa Joni'a, amagama nenta'a disaipol netrema'ane oti'neni,  
<sup>36</sup>Jisasi ne-egeni Joni'a negeni amanage huno hu'ne, Kehi, amu

Anumzamofa Sipisipi anentare, <sup>37</sup>anage hige'ne, Joni amagama nenta'a disaipol netremoke nentahi'ne, Jisasi amage'anteke vu'na'e. <sup>38</sup>Jisasi'a amage'a nevakeno rukrahe huno neznageno, Na'anku nehakra'e? huno znantahigege'ne, Hurami ne'moka inante Kagra nemnine? hu'ne antahigena'e. <sup>39</sup>Agra anage znagriku hu'ne, E'netna tanagratani'a emege'o hige'ne, Agrane vuke nemnia nonkuma omenege'ne ana zupa Agrane mani'nakeno, 4 kiloki hu'ne. <sup>40</sup>Ana nanterana mago'mo Joni hiankema antahiteno Jisasi amage'ma vu'nea nera Endru'e, Saimon Pitana nefu'e. <sup>41</sup>Hagi Endru'a, Jisasi keteno pusante Endru'a nefu Saimoni keno, amamage huno asmi'ne, Tagra hago Mesaiana hakreta erifore hu'none. (E'i ana agima eri rukrehe'ma hu'neana Kraisi'e hu'ne.) <sup>42</sup>Jisasi'ne Endru'a, Saimonina avreno vu'ne. Vigeno Jisasi'a negeno anage huno asmi'ne, kagra Saimonige Joni nemofoga mani'nane, kagri kagi'a Sifasi'e hugahaze.<sup>a</sup> (E'i ana agima eri rukrehe'ma hu'neana Pita'e hu'ne.)

### Jisasi'a Filipine Nataniel kizni znagi hu'nea naneke

<sup>43</sup>Mseno kotigeno Jisasi'a Galili vunaku nehuno Filipi ome negeno, Nagri namage anto hu'ne. <sup>44</sup>Hanki Filipi'a Betsaidati ne' Androne, Pita kiznia ra kuma zani'areti nere. <sup>45</sup>Filipi'a, Natanieli'e nehaza ne' kefore huteno amamage huno asmi'ne, Mosesi ene Kasnampa vahe'mo'zama avo tafepima agenke'ama krente naza Ne'ma, Nazareti kumateti Josefe nemofa Jisasi'e hu'naza nera hago hakreta erifore hu'none, huno asmi'ne. <sup>46</sup>Natanieli'a anage huno Filipina antahige'ne, Nazaretia knare'zana efore hugahio? Filipi'a anage hu'ne, kagrak'a enka emego. <sup>47</sup>Natanieli Agritega ne-egeno Jisasi'a negeno amamage hu'ne, keho, tmage Israeli vahere, agu'afina havige hu'zana omne'ne! <sup>48</sup>Nataniel Agriku anage hu'ne. Kagra inankna hunka nagrira nage'nane? Jisasi ke'nona huno amamage hu'ne, Filipi'a kagi osu'negenka fiki zafa agafafi mani'nanke'na ko kage'noe. <sup>49</sup>Higeno Natanieli'a Agri ke'nona amamage hu'ne, Hurami nere, Kagra fatgo hunka Anumzamofa nemofoga mani'nane. Kagra Israeli vahe'mokizmi Kini nere. <sup>50</sup>Higeno, Jisasi'a ke'are anage huno asmi'ne, Na'ankure Nagrama hu'na fiki zafa agafafi mani'nanke'na kage'noema huazanku kmentinti nehano? Henka'a agtere'neaza ruzahu'za kagra kegahane. <sup>51</sup>Higeno Agra amamage huno Natanielina asmi'ne, Tamagerafa hu'na Nagra kagrira negasamue, kagra negesankeno mona kafamo'a anagisigeno, Anumzamofa ankeri zgamo'a, Vahe'mofa Mofavrere mrerino tamino nehnigenka kegahane.

### Tintfanu waini tro hu'nea naneke

**2** <sup>1</sup>Tareknamofa efi knazupa, arave hunaku Kana kumate Galili kaziga nehazageno, Jisasi nerera'a anante mani'ne. <sup>2</sup>Ana hige'za Jisasi'ne

<sup>a</sup> Pita'e agimofa agafa'a have hu'ne.

Agri amage nentaza disaipol naga'anena, aravema huku hzarega zamagi hazage'za vu'naze. <sup>3</sup>Wainima vgaregeno'a, Jisasi nerera'a asmi'no, waini tina sago vgare'ne huno Agrira asmi'ne. <sup>4</sup>Jisasi'a nererana amanage huno asmi'ne, ama a' moke, Nagra naza ama zampina huku hugenka nehane? Nagri kna zahufa efore osu'ne. <sup>5</sup>Jisasina nerera'a eri'za vaheku anage huno zamasm'i'ne, Agrama inankna kema tmagrma tmasminia'zana hiho. <sup>6</sup>Higeno keana 6si'a havereti tro hunte ti afi kavo Juda vahe'mokizmi avu'avapina kvofinti ankehi'za tina fre'za avu sese nehazane, tina mago 100 lita azeritere huga tin kvorami me'ne. <sup>7</sup>Jisasi'a eri'za vahe huzmanteno ana kvo zgafi ti ome afi viteho hige'za tina ome afi vite'naze. <sup>8</sup>Higeno Jisasi anage hu'ne, anampinti mago'a afita ne'zante kva hu'nea nera ome amiho, hige'za afi'za ome ami'naze. <sup>9</sup>Ana ne'mo tima neno keana waini ti fore higeno, igati efore hu'neo antahino keno osu'ne, (hagi tima omeffi'naza vahe'moza ke'naze), kavete kva hu'nea ne'mo aravema hia ne' asmi'no, <sup>10</sup>maka vahe'moza pusante knare wainia tgi zamige'za kema hazage'za, aza vahe'moza netageno, anante evurami'nea waini'a tgi zamige'za nenaze. Nehazanagi kagra knare wainia ante'nanteti menina eri fore hane! <sup>11</sup>Agra'a kaguva avu'ava zama'a erigafa huno Jisasi'a Galili kaziga Kana kumate nehuno, Agri'a hihamu msa zama'a eri ama hige'za, Agri amage nentaza disaipol naga'mo'za Agrite zamentinti hu'naze. <sup>12</sup>Anama huteno Jisasi'a Kapenium urami'ne, Agrane nerera ene afuhe'zane amagem a nentaza disaipol naga'anena ana kumate vu'za mago'a zzegna umani'naze.

**Ra mono nompinti Jisasi'a zamahenati'nea naneke**  
(*Mat 21:12-13, Mak 11:15-17, Luk 19:45-46*)

<sup>13</sup>Jiu vahe'ma kinafinti zamare'nea (Pasova) neza'ne knamo kofta higeno Jisasi'a Jerusale kumate mreri'ne. <sup>14</sup>Vuno ra mono nompimi omege'neana vahe'mo'a vurimakama, sipisipi'ma, maho nmame, zgo rezahe nehza vahe'moza tra omente emente hu'za maketi nehzageno ome zamage'ne. <sup>15</sup>Ome zamageteno nofite kno tro hiazamo ra mono nompintira sipisipi'ne vurimakane vahe'ene zamahenati'netreno zgoma re'zahema nehaza naga'mokizmi zgoa ruherafi netreno, ita zamia eriruvaha huherfi'ne. <sup>16</sup>Maho nmama maketima nehza vaheku, Ama nma avreta viho. Nfa'nimofono nona maketi kumara eri tro osugahaze, huno zamasm'i'ne. <sup>17</sup>Agri amage nentaza disaipol nagamo'za, kasnampa vahe'mo'za avontafepi kre'nea kegu zamagesa antahi'naze. Amanage huno kre'ne **Kagri noma kegva hu'na mani'navesizamo'a nagu'afina tusiza huno navenesie.** (Sam-Zga 69:9) <sup>18</sup>Jiu vahe'mo'za Agriku anage hu'naze, Kagra inankna avame'za tagrira huraverisanketa negeta ama nera mrerisa nere huta hugahune? <sup>19</sup>Jisasi'a ana kemofo nona'a amanage hu'ne. Ama ra mono nona tgana vazitma eri haviza hinkeno tagufa

zgegna manite'na azeri oti'нено, huno hige'za, <sup>20</sup> anante Jiu vahe'mo'za anage hu'naze, 46si'a zgegfu eri fri'za ama mono nona ki'naze. Hagi Kagra inankna hunka tagufa zge knafina kigahane? <sup>21</sup> Hianagi ra mono nonku'ma kema hu'neana, Agra avufa mono nonku hu'ne. <sup>22</sup> Anagama hu'nere, fri'nefinti'ma otige'za, Agri amage nentaza disaipol nagamo'za e'inhahu zanku hu'ne hu'za zamagesa antahi'naze. Nentahi'za avon tafemo hu'nea kere ene, Jisasi'ma hu'nea nanekere zamagesa nentahi'za zamentinti hu'naze.

### Jisasi'a maka vahe zamagu'a ke'nea naneke

<sup>23</sup> Kinafinti zamavre'nea kna antahimiza (Pasova) muse ne'zama ne'knare Jerusale mani'nege'za, hakaremo'za Agri agire zamentinti nehu'za, kaguvazama Agrama hiazana ke'naze. <sup>24</sup> Hu'nazanagi, Jisasi'a Agra kzigatira antahiozmi'ne. Na'ankure miko vahera Agra zamantahino zamage'ne. <sup>25</sup> Na'ankure, Agra antahiantahizankura upara osuneankino magomo'a hugesa osugahie. Na'ankure, Agra vahe'mofo agu'afina na'a me'neo, ko antahino keno hu'ne.

### Nikodimasi'a, Jisasi antahige'nea naneke

**3** <sup>1</sup> Farisi vahepinti mago nera agi'a Nikodimasi, Jiu vahe'mokizmi mono kanisol ne' mani'ne. <sup>2</sup> E'i ana ne'mo'a kenage hanimpi Jisasinte eno amanage huno antahige'ne. Hurami ne'moka antahi'none, Kagra hurami ne' Anumzamofontegati e'nane. Mago'mo'a Kagra hanaza huno amanahu avame zana osugahie, Anumzamo agrane mani'nesimo hugahie. <sup>3</sup> Jisasi kenona'a amanage huno asmi'ne, tamagerafa hu'na ama kea negasmue. Runema ksefa osnimo'a, Anumzamofu kumapina uofregahie, <sup>4</sup> Nikodimasi'a kenona'a huno, inankna huno ra vahe'mo'a ete osi mofavregna huno fore hugahie? Ete ra vahe'mo'a anta'amofu arimpafi ufrenkeno eteno ksentegehifi? <sup>5</sup> Higeno Jisasi'a ana kemofo nona'a amanage huno asmi'ne, Tamagerafa hu'na kagrira negasmue. Aza'o tinteti'ene Avamuteti'ene ksefa osnimo'a, Anumzamofu kumapina uofregahie, <sup>6</sup> Mopafi vahe'mo ksente'nesiana vahere. Hanki Ruotge Avamu'mo eri fore hu'nesiazana avamure. <sup>7</sup> Amama ksamisua zankura Nagriku hie hunka kmanogura osunka, kagra etenka ksefa mofavre hampro, <sup>8</sup> Zahomo'a inantega vunaku hirega nevigenka agerutfama'a nentahine. Hagi inantegati eteno, inantega nevio antahinka kenka nosane. E'ina hu'za mika vahe'mo'za Avamupina ksefara nehaze. <sup>9</sup> Nikodimasi'a ana zanku, amanahu zamo'a inankna hugahie? huno higeno, <sup>10</sup> Jisasi'a ana kemofo nona'a amanage huno hu'ne, Israeli vahe'mokizmi rempi huzami ne' mani'nenka, ama nanekea antahi amara nosano? <sup>11</sup> Tmagerfa hu'na negasmue. Kema nehunana, antahita keta hu'nona zanku huama nehunkenka, ana nanekegura kagra antahi

noramine. <sup>12</sup> Mopafi zanku'ma negasmi'sugenka kagrama kmentintima osnunka, ina kna hunka monafi zanku'ma kasami'suana kamentintina hugahane? <sup>13</sup> Mago'mo'a monafinka mrerino ovu'ne. Hagi Agra monafinkati'ma erami'neana, Vahe'mofo Mofavremo erami'ne. <sup>14</sup> Mosese hagage kokampi osifa'vema erintesga hu'nea kna hu'za, Vahe'mofo Mofavrea azeri antesga hugahaze.<sup>b</sup>

<sup>15</sup> Hanigeno aza'o, Agripi amentinti hanimo'a, manivava asimu erigahie.

<sup>16</sup> Anumzamo tusiza huno mopafi vaheku avesi nezmanteno, magoke ante'nea Ne'mofavre'a zami'ne. Agrite zamentinti hanamo'za fananne osu'za manivava hugahaze. <sup>17</sup> Na'ankure Anumzamo Mofavre'a huntengeno ama mopafima e'neana, mopafi vahe refko hinogu huntengeno ome'ne. Hagi Agripinkati vahe'mo'za zamagu'vazizana erisaze huno huntengeno erami'ne. <sup>18</sup> Aza'o Agripitema amentintima himofona refko huno nanekea hunonte, iza'o Agrite'ma amentintima nosimofona, trate ko avrenteno keaga hunte'ne. Na'ankure Anumzamofona magoke Mofavre'amofa agirera, agra amentinti osigu ana nehie. <sup>19</sup> Nanekema huzmante'siana, ama kemofa agafare huzmantegahie. Msamo'a ama mopafima efregeno'a, vahe'mo'za hni avu'ava'zanku avesinente'za msamofona avesi onte'naze. Na'ankure havi zamu'zmake'za hu'naze. <sup>20</sup> Aza'o hvizama nehia vahe'mo'a, tvi'mofona zamesra hunente'za, msarera nomaze. Na'ankure haviza nehazazamo eama huzanku nomaze. <sup>21</sup> Hu'neanagi aza'o tamage avu'ava'ma nehimo'a tvitera egahie. Na'ankure hakaremo'za nege'za Anumzamofa avenesiaza nehie hu'za hugahaze.

### Joni'a Jisasinku hu'nea naneke

<sup>22</sup> Ananteti Jisasi'a amage nentaza disaipol naga'ane, Judia kaziga vu'za vahe'ene mago'a kna umani'ne'za mono tina fre zamante'naze. <sup>23</sup> E'i ana knafi Joni'a, Salim kumamofa tava'onte Ainoni kumate mono tina frezmante'ne. Na'ankure anantega rama'a tina me'nege'za vahe'mo'za ete'vute hu'za mono tina fre'naze. <sup>24</sup> Na'ankure Jonina kina huonte'naza knafine.

<sup>25</sup> Ana nehzage'za Jonima amage nentaza disaipol naga'ane, mago Jiu ne' ene, Juda vahe'mokizmi avu'avapi ti fre'za avu sese nehaza zanku keaga hu'naze. <sup>26</sup> Nehu'za Joninte e'za amanage hu'za asmi'naze. Hurami (Rabbai) ne'moke, Jodan timofo kantu kaziga kagrane mani'neama, Agriagi hu'ama hu'nana ne'mo'a, mono ti fre nezmantege'za mika vahe'mo'za Agrite nevaze. <sup>27</sup> Joni'a anage hu'ne, mago vahe'mo'a, mago zana e'origahie, ana hugahianagi monafinkati mago'zama amisigeno'a amne erigahie. <sup>28</sup> Tamagra tmi antahi'nage'na amanahu kea hu'noe, Nagra Kraisi'na omni'noe hu'na hu'noe. Hianagi Agrira azeri henka atreno,

<sup>b</sup> Nam-Ham 21:9

nagrira pusante hunantege'na e'noe. <sup>29</sup>Mago vemo'ma a'ma erinaku nehigeno rone'amo oti'nenno antahi nemino, aravema huku hia vahe'mofo ageruku muse nehie, e'ina higu nagrira muse zamo'a avite'ne. <sup>30</sup>Agri agimo mreri anagamu atresigeno, nagri nagimo uramisie.

<sup>31</sup>Agra anagamiti e'nemo'a maka'zana agtere'ne, aza'o ama mopafinti'ma e'nesimo'a, ama mopafi vahekino, ama mopafi zankuke kea hugahie. Agra aza'o monafinkati'ma e'nemo'a, Agra maka'zamofona zamagtere'ne. <sup>32</sup>Agrama antahino keno hu'nea zante Agra naneke'a huama nehie, hianagi mago'mo'e huno agi agenke'a antahi anira osu'naze. <sup>33</sup>Iza'o, Agri agi agenke'a erimo'a, tamage huno Anumzamofona nanekegura nehie. <sup>34</sup>Na'ankure Agrira Anumzamofona huntege'no e'neankino, Anumzamofona keaga nehie. Na'ankure Agra refko osuga'are Avamura aviteno ami'ne. <sup>35</sup>Nefa'a, Nemofona avesinteno mika'zana kva hugahie huno, Agri azampi ante'ne. <sup>36</sup>Aza'o Nemofona amentinti hanimo'a manivava asimura erigahie. Hagi iza'o Nemofona kema rutagresimo'a asimura e'origahie. Hagi Anumzamofona tusi'a rimpaha knazamo agrite megahie.

#### Jisasi'a Sameria a'ene kegaga hu'nea naneke

**4** <sup>1</sup>Jisasi'a antahiana Farisi vahe'mo'za hu'za Jisasi'a, Jonina agatereno rama'a amage antesaza disaipol nagara zamazeritru huno, mono tina frenezmente hu'za nehazanke antahi'ne. <sup>2</sup>(Anage hzanagi Jisasi'a Agra'a mono tina freozmante'ne. Hagi Agri'ma amage nentaza disaipol nagamo'za mono tina fre zamante'naze.) <sup>3</sup>Judias kaza atreno Agra mago'ene Galili vu'ne. <sup>4</sup>Galilima vunakura Samaria mopa kazigati nevza kantega rugitgino vu'ne. <sup>5</sup>Anante Samaria mopa kaziga nevuno, ana mopafi mago kuma agi'a Saikar nehazare uhanati'ne. Korapara Jekopu'a ana mopa tva'oma'are me'nea mopa, Josefena ami'neane. <sup>6</sup>Ana kuma tva'onte Jekopuna tinkeri'a me'ne. Hagi Jisasi'a kama e'nea zamo avesra higeno ana tinkeri'e umanigsa hu'ne. Feru avame zgeha higeno anante umani'ne.

<sup>7</sup>Anante mago Samaria a'mo ti afinaku ana tinkeri'e egeno, Jisasi'a ana a'mofonku, Tina a'fi namio <sup>8</sup>huno hune. Na'ankure Agri amage nentaza disaipol nagara ran kumategati ne'za mizasenuku zamagra vu'nazageno mani'nenno hu'ne. <sup>9</sup>Anage higeno ana Samaria a'mo Jisasi'a huno Kagra Jiu ne' mani'nananki nahigenka Samaria a' monagura, tina a'fi namio hunka nantahi'negane? (Na'ankure Jiu vahe'mo'za Samaria vahe'enenaga tragote'za nomnize.) <sup>10</sup>Jisasi'a ana ke nona'a asmi'ne, Anumzamofona negamia musezama antahi'nenkasina, iza'o kantahigeno kagriku'ma, tina a'fi namige'na na'nenno nehia ne'ma kagra antahigankeno, Agra asimura eri tina kamisine. <sup>11</sup>Ana a'mo Agriku huno Ra ne'moke Kagra tima afisana tafena e'ori'nankeno tinkeri'mo'a zaza huno urami'ne. Hagi Kagra igati ana asimura eri tina afigahane? <sup>12</sup>Jekopu neragehona Kagra agterenka

onaga'a mani'nampi? Na'ankure agra ama tinkeria tamine, agra ana tinkerifinti nenege'za, mofavre naga'amozone afu'zga'amoza ne'naza tine. <sup>13</sup>Jisasi'a ana a'mofo ke nona'a huno asmi'ne, Maka'mo'za ama tima nesnuza ete ru'ene tinkura zamesigahie. <sup>14</sup>Hianagi izano Nagrama amisua tima nesuno'a, mago'ene tinkura ave'osigahie. Hianagi Nagrama aminaku nehua timo'a, kampu'i timo hiaza huno agu'afi me'neni, evava nehuno manivava asimu amigahie. <sup>15</sup>Ana a'mo Agriku amanage hu'ne, Ra nemoka, ana tina namigeno, nagrira tinkura nave'osisige'na tima afi'zantera afetera oma'neni, huno hu'ne. <sup>16</sup>Agra ana aku huno, Vunka, negvena ome ke hunka avrenka amare eno. <sup>17</sup>Ana a'mo kenona'a huno asmi'ne, Nagra ve onte'noe higeno, Jisasi ana ara asmine, kagra vema onte'noe hunkama nehanana tamage hunka nehane, <sup>18</sup>na'ankure kagra kotenka 5fu'a ve eri'nane, hagi menima kagrane mani'nea vea negve'a omni'ne. E'igu kagra tamage hunka nenasmine. <sup>19</sup>Ana a'mo Agrira asmino, Ra nemoke, nagrama negagoana Kagra mago kasnampa ne' mani'nane. <sup>20</sup>Tagri tfahe'za ama agonafi monora hunte'naze. Jiu vahe'motma Jerusale kumateke monora huntegahaze hutma tamagra nehaze. <sup>21</sup>Jisasi'a amanage huno ana ara asmi'ne, Ama a'moka, kema hanua kerera kmentinti huo, mago kna ne'eankino efore'mahina, ama agonafino, Jerusale kumatero tamagra Nerfantera monora huontegahaze. <sup>22</sup>Tamagra ontahi'naza zante monora nehaze, tagra antahi'nona zante monora nehune. Na'ankure vahe'ma zamaguvazizana Jiu vahe'motafi me'ne. <sup>23</sup>Hianagi mago kna ne-ea knamo'a hago menina ama fore hu'ne. Nenfama tamage mono huntoku hanamo'za, avamupi tamage avu'avateti monora huntegahaze. E'inahu hu'za mono'ma huntesa vaheku Nefa'a nehakre. <sup>24</sup>Na'ankure Anumzana Agra Avamure, hu'negu mono'ma huntoku hanamo'za, zamagra zamagu'areti avamuzmifi tamage monora huntegahaze. <sup>25</sup>Ana a'mo Agrira amanage huno asmi'ne, nagra antahi'noe Mesaia'a (tazahu ne') egahie, (Kraisie hu'zama agima ante'naza nera),<sup>c</sup> ana ne'ma esnuno'a, maka'zana tasmi ama hanigeta antahi'gahune. <sup>26</sup>Jisasi'a ana ara asmino, ama nanekema nehua ne'mona ana ne' Mesaia'ne.

<sup>27</sup>Anage nehakeno Jisasi amage' nentaza disaipol nagara anante enehanatiza, ana a'ene naneke nehige'za antri nehu'za hakare antahintahi hu'nazanagi, nazanku nehakre huge, nazanku a'ene kegaga nehie? Hunora mago'mo'a antahi onke'ne. <sup>28</sup>Anante ana a'mo tinkvo'a netreno, rankumatega viazamo vene'ne zga ome zamasmino, <sup>29</sup>Eta eme keho, maka'zama hu'noa zanku'ma huama huno nasmi'nea nera, Kraisie'ma hu'naza ne' e'negahie? <sup>30</sup>Ome zamasmige'za, rankumara atre'za zamagra atirami'za Agritega e'naze.

---

<sup>c</sup> Hibru kefina Mesaia'a hu'neana tazahu nere, Griki kefina Kraisie hu'neana tazahu nere, English kefina Savior hu'neana tazahu nere hu'ne.



<sup>31</sup> Vahe'ma zamarenaku vu'nege'za amage nentaza disaipol nagamo'za Jisasina tutu hunte'za, hurami ne'moka (Rabbai), ne'zana no hu'naze. <sup>32</sup> Hianagi Jisasi'a zamasm'i'no, Nagrama nesua ne'zama me'neana tamagra onke'naze, huno zamasm'i'ne. <sup>33</sup> Anage hige'za amage nentaza disaipol nagamo'za, ke ohumi ahumi nehu'za, zamagra hu'za mago'mo ne'zana eme amigeno ne'nenno Agra nehifi? <sup>34</sup> Jisasi amanage huno zamagrira zamasm'i'ne, Nagri ne'zana aza'o hunantege'na e'nomofu avesite eri'zama'a eri vgare snugu hunantege'na e'noe. <sup>35</sup> 4'a ika maniteta tamagra hozama hamre kna me'ne huta nosafi? Nagra neramasmuanki keho, kesga hutma hozafina tmua keho, ne'zamo afureno ta'nefa ruherafino hoza hamre kna kofta nehie. <sup>36</sup> Ana ne'zama hamre'namo'za hago mizazamia knare hu'za eri'naze. Hagi ana rga'ama hamre'nazana manivava mani'zante vahe'za zamare'za vu'naze, ana nehina aza'o hozama hankresnimo'ene, hozama hamresi'mokea, znagu'a musena magoka hugaha'e. <sup>37</sup> Na'ankure ama ana nanekea tamage ke me'ne. Mago'mo hoza hankretegeno, rumo hoza nehamre hu'za nehaze. <sup>38</sup> Tamagra zamaza hutma avimzana ose'naza hozafi Nagra huneramantoe, rumo'za amuhu hu'za eri'za hankre'naza hozafi, tamagra ne'za hamre'sagu huneramantoe. <sup>39</sup> Samaria rankumateti hakare vahe'mo'za Agrite zamentinti hu'naze. Na'ankure ana a'moma huama hu'nege maka'zama nagra ko'ma hu'noa zana, Agra huama hunante'ne. <sup>40</sup> E'inage hige'za, Samaria vahe'mo'za Jisasinte e'za, tagrane manigahane hu'za hanaveti'za antahigageno, Agra tare zgegna zamagrane mani'ne. <sup>41</sup> Jisasi'ma zamasmia ke nentahi'za, hakare'a ontahi'naza vahe'mo'zane zamentinti hu'naze. <sup>42</sup> Zamagra ana ara amanage hu'za asm'i'naze, kagrama hana kegukera tamentinti nosune, hagi tagra tagesafinti antahita tamentinti nehune. Agra tamage maka kokankoka vahemota tzahu nere.

<sup>43</sup> Tare zge knama maniteno, Jisasi'a ana kumara atreno Galili vu'ne. <sup>44</sup> Na'ankure Jisasi'a Agra'a huama huno, Kasnampa (profet) vahe agi'a mopa agafa'arera erisaga osugahaze huno hu'ne. <sup>45</sup> Hagi anante Galilima ehanatige'za, Galili vahe'mo'za Agrira muse hu'za avare'naze, na'ankure Jerusale kumate kinafinti zamare'nea muse ne'za ne'knarema (pasova) Agrama maka'za hige'za ke'nagure. Zamagranena kinafinti zamare'nea muse ne'za ne knarera (pasova) Jerusale vu'neza ke'nareti muse hunte'naze.

#### **Kamani ne'mofo mofavre krifinti azeri knamre'nea naneke**

<sup>46</sup> Ana hzageno Kana Galili kaziga, tinteti waini'ma trohu'nea kumate eteno e'ne. Anante mago kamani eri'za ne'mofo mofavre'mo Kapenium kumate kri erino mse'ne. <sup>47</sup> Jisasi'a Judia atreno Galili kaziga ehanatia kema nentahino'a, kri eri'nea mofavre'mofo nefa'a Agrite viazamo asuragi kefinti, enka mofavre ni'a eme azeri so'e huo huno nemofo'a fri'kante

mse'negeneno antahige'ne. <sup>48</sup>Anage higeno Jisasi'a asmino, avame'zane kaguvaza hanuazana ketetage'za, tamagra tamentintia hugahazo! <sup>49</sup>Ana kamani eri'za ne'mo Jisasinku huno, Ramoke mofavreni'a frisanigi ko eramio. <sup>50</sup>Jisasi ana ne' asmino, nonkarega vuo, negamofa'ofrino amne mani'ne. Ana ne'mo tamage Jisasi'a nehie huno amentinti nehuno atreno ete noma'arega vu'ne. <sup>51</sup>Atreno kantega uneramige'za, kazokzo eri'za vahe'amo'za eme asmi'za, negamofona kri'a atrentegeno mani'ne hu'za eme asmi'naze. <sup>52</sup>Anagemama hu'za asmizageno kri'ama atrente'nea knagu zamantahigege'za zamagra asmi'za, okina wan kiloki higeno avufa teve hazamo'a atrente'ne. <sup>53</sup>Anagemama nehzageno nefa'a agesa antahi'ne, Jisasi'a ana knareku huno, Negamofa'ofri amne mani'ne huno hu'ne, nehuno agrane noma'afi nemniza naga'ane, maka'moza zamentinti hu'naze. <sup>54</sup>Ama'i ru'ene Jisasi'ma avame'za tro higeno'a, Agra Judia kazigama atreno Galili ehanatia knafina tare avame'za tro hu'ne.

**Mni fruhu kna zupa (Sabat) Betsaida tirute Jisasi'a,  
mago vahe azeri so'e hu'nea naneke**

**5** <sup>1</sup>Ana maka'zama higeno agteretegeno, Jiu vahe'mo'za mono nehza kna fore higeno, Jisasi'a Jerusale kumate mreri'ne.

<sup>2</sup>Jerusale kuma'mofo kaha hagente'za, Sipisipi Kafane hu'naza tvaonte mago tiru me'nege'za, Hibru kefina Betsaida<sup>d</sup> hu'za nehaze. Anantera 5fu'a hanko no kinte'naze. <sup>3-4</sup>Ana hanko nontera hakare'a kri vahera mse'za mani'naze, zamusuhu vahe'ene zamagia krere hu'nea vahe'ene zamaga zamaza sti'nea vahe'ene mani'naze.<sup>e</sup> <sup>5</sup>Mago nera 38ti'a kafufi kri eri'nea ne', ana tirutera mseno mani'ne. <sup>6</sup>Anante mseno mani'negeneno Jisasi'a negeno, za'za kna ana krifina mse'ne huno antahi'ne. Jisasi'a anage huno asmi'ne, Kagesama antahinana krika'a knare hugantesie hunka nentahino? <sup>7</sup>Ana kri ne'mo kenona'a asmino, Ra vahe'moka timoma kazama nehanigeno navreno ome nantesia vahera omni'nege'na, ana'ana hu'na nevuge'za rumo'za tirupina nagtere'za unermize. <sup>8</sup>Jisasi'a nentahino ana neku huno, Otinka, naverisaka'a renamginka e'nerinka vuo. <sup>9</sup>Hantaka huno kri'amo atrentegeno, tafe'a erirenamgino e'nerino otino agafa huno kana vu'ne.

Ana kna mni fruhu kna (Sabat) zupa ana kaguvazana hu'ne. <sup>10</sup>Ana hige'za Jiu kva vahe'mo'za kri'ama eri amne huntea ne' antahige'naze, menina mni fruhu (Sabat) kna meno nagru hu'neankinka, naverisaka'a erinka vano osu'gahane. <sup>11</sup>Hianagi kri'a eri amne hu'nea ne'mo zamasmie'ne, agra aza'o kri'nima eri amne hu'nea ne'mo Agra nasmino,

---

<sup>d</sup> tare kampi kre'ne, magora, Bezaida, magora Betsaida    <sup>e</sup> Mago'a antahi'zane vahemo'za antahizana, Anumzamo ankeri huntengeno ana tiru'ma ome eri kaza nehnigeno ana tirupi ese'ma tmi'nea vahe'mofo kri'amo vgaretere hu'ne.

naverisaka'a erisaga hunka vuo huno hunante'ne. <sup>12</sup> Zamagra, agrira antahige'naze, Iza ana nera huganteno, naverisaka'a eri kofinka vuo huno hugante'ne? <sup>13</sup> Hianagi azeri so'ema hunte'nea ne'mo'a, iza anara hu'neo antahino keno osu'ne, na'ankure Jisasi'a maka vahepi ruhavia huno vu'ne. <sup>14</sup> Henka Jisasi'a ana nera ra mono nompí ome kefore huno asmi'ne, ko, krika'a hago vgare, mago'ene kumira osuo, e'inama hanunka tusi'a knaza henka'a erigahane. <sup>15</sup> Ana ne'mo'a atreno viazamo, Jiu vahera ome zamasmíno, Jisasi kri'nia eri amane hunante'ne huno zamasmí'ne.

### **Jisasi'a, Anumzane mago tragave hu'noe hu'nea naneke**

<sup>16</sup> E'inage hige'za, Jiu kva vahe'mo'za agafa hu'za Jisasina azanva hu'naze, na'ankure ana zantmina mago'a, mni fruhu kna (Sabat) zupa hu'nea zante ana hu'naze. <sup>17</sup> Hianagi Agra zamasmíno, Nenfa'a meninena eri'zana otreno e'neriankina, Nagra'nea eri'zana enerue. <sup>18</sup> E'i ana agafare, Jiu kva vahe'mo'za Agri ahenaku mraguza'ati'za maka kanku hakre'naze. Na'ankure Agra mni fruhu kasege hantagia zantekukera ana osu'naze. Hagi Agra Anumzanku Nenfa'e nehuno, Agra Anumzane mago tragave hu'noe, hia zante'ene ahenaku hu'naze.

<sup>19</sup> E'inage hzageno Jisasi kenona zmirera amanage huno zamasmí'ne, Nagra tamagerafa hu'na neramasmue, Nemofa'a Agra'a avesitera mago'zana hugaosu'neankino, ke'nesigeno Nefa'ma huveri'nesia zanke, Nemofa'a anazanke hugahie. <sup>20</sup> Na'ankure Nenfa'a, Nemofona avesinenteno, Agra maka'zama nehia zana averi nehie. Ana nehuno Nefa'a agtereno tusi'aza averi hugahie. Anama hanigeta tamagra antri hugahaze. <sup>21</sup> Na'ankure Nenfa'a fri' vahe'ma zamazeri otino, asimu nezmia kna huno, Nemofa'a azano, Agri'ma avesi'nimofona asimura amigahie. <sup>22</sup> Na'ankure Nenfa'a Agra veara refko osugahie. Hagi maka vahe'ma refko hu'zana, Nemofa ami'ne. <sup>23</sup> Ana hina maka'mo'za Nemofa agi'a erisaga hugahaze. Nefa agima erisaga nehza kna hu'za, aza'o Nemofa agima erisaga osnimo'a, huntogeno'ma e'nea Nefana, anazanke huno agi'a erisaga nosie. <sup>24</sup> Nagra tamage hu'na neramasmue, aza'o Nagri naneke ma nentahino hunantege'na e'nomofonte amentinti hanimo'a, manivava asimu enerino, vahe'ma refko hania knafina, fri'zana agtereno asimu erino manigahie.

<sup>25</sup> Nagra tamage hu'na neramasmue, knamo'a kofta huno ne-eno hago menina ama efore hu'ne, fri'naza vahe'mo'za Anumzamofa Ne' mofavremofa ageru nentahi'za, ana ageru'ma antahisnamo'za manigahaze. <sup>26</sup> Na'ankure Nefa'a asimu erino mani'zamofa agafa'a Agripi me'ne. Nemofona anahu kna huno asimu erino mani'zamofa agafa'a Agri ami'ne. <sup>27</sup> Ana nehuno Agra Nemofona kema hugnare hunte hanavea (atoriti) ami'neankino, vahe'ma refko hu'zana Agri ami'ne, na'ankure Agra Vahe'mofo Mofavre. <sup>28</sup> Ana kegura antria osiho, na'ankure mago

knama fore'ma hina kerifi asezamante'naza vahe'mo'za Anumzamofu Mofavre'agerura antahi'za, <sup>29</sup>oti'za esnageno knare avu'ava hu'nesaza nagamo'za, oti'za ksefa mani'za erigahaze. Hagi kefo avu'avazampi mani'ne'za fri'ne hanamokizmia, refako huno naneke huzmantegahie. <sup>30</sup>Nagra navesitera mago'azana osugahue. Anumzamofu ke nentahi'na anante zganena refko nehue. Ana kema refko'ma huana mago kante ante'na nezganoe. Na'ankure Nagra navesi'zantera kenontoe, hagi Agrama hunantege'na e'nomofu avesite refkoa nehue.

### **Jisasi avu'ava zamofu huama hu'nea naneke**

<sup>31</sup>Nagrama, tamage nehue hu'na NAGRANI'AGU huama hanuana, Nagra havige hugahue. <sup>32</sup>Hianagi Nagri nagenkema rumo huama (testimoni) nehige'na, Agrama Nagriku huama hianke nentahi'na, tamage nehie hu'na nehue. <sup>33</sup>Tamagra Joninte vahe huzmantage'za ome antahi'nazana, Joni'a tamage nanekege huzmasmi'ne. <sup>34</sup>Hu'neanagi Nagrama hua kema e'neruana, mopafi vahepintira e'norue. Hianagi Nagrama nehuana tmagri'ma tmaza hanigu nehue. <sup>35</sup>Joni'a lampe tvi kna huno tvi'nereno remsa hurmantegeta, ana tvi'kura osasi'a knafi tmagu'a musena hu'naze. <sup>36</sup>Hianagi Nagrama hanua navu'navamo'a, Joni'ma hu'nea avu'avazana agtere'ne. Na'ankure Nenfa'ma nami'nea eri'za Nagra eri vgaesnugu e'nerue, ana eri'zama e'nerua eri'zamo, Nagrira eriamu hugahie, na'ankure Nfa'nimo hunantege'na e'noe. <sup>37</sup>Nenfa'ma hunantege'na Nagrama e'noana, Nagriku huama Agra hu'ne. Hianagi tamagra mago'a knarera Agri agerura ontahitma, avugosa onke'naze. <sup>38</sup>Agri nanekemo'a tamagri tamagu'afina omne'ne, na'ankure Agrama hunantege'na Nagrama e'nogura, tamagra tamentintia Agritera nosaze. <sup>39</sup>Tamagra Anumzamofu avontafepi nehakraze, na'ankure tamagra mani'vava mani'zana hago eri'none hutma nentahize. Hianagi e'i ana avontafemo'a Nagriku huama nehie. <sup>40</sup>Hianagi Nagrite'ma e'netma tmasimu eri'zankura tamagrira tamavesra nehie.

<sup>41</sup>Nagrira vahe'mo'za nagi erisaga (glori) hihogura nosue. <sup>42</sup>Hianagi Nagra tamagrira tamage'noe, Anumzamofu avesinte'zana tamagri tamagu'afina omne'ne. <sup>43</sup>Nagra, Nenfa agifi e'nogeta tamagra nonavraze, hagi mago'mo agra agire'ma esnimofona ame huta avregahaze. <sup>44</sup>Tamagra inankna huta tamentintia hugahaze, tamagri'ma ru vahe'mo'za tmagima erisaga nehazana, magoke Anumzamo tmagri'ma muse hurmante'sia zankura ohakre'gahazo? <sup>45</sup>Nefante naneke hurantegahie hutma Nagrikura tamagesa ontahiho, kema hurmantesia nera Mosese'e, Mosesete tamagu'a antetma tamentintina hu'naze. <sup>46</sup>Hianagi tamagrama tamage hutma Mosesente'ma tamentinti hunetasina, Nagrite ene tamentinti hazasine, na'ankure agrama kre'neana, Nagriku huno kre'ne. <sup>47</sup>Hianagi Mosesema kre'nea nanekema

tamentinti osnutma, inankna huta tamagra Nagri nanekegura  
tamentintia hugahaze?

**Jisasi 5 tauseni'a vea ne'za zami'nea naneke**  
(*Mat 14:13-21, Mak 6:30-44, Luk 9:10-17*)

**6** <sup>1</sup>Anazama vgaregeno'a, anantetira Jisasi'a zamatreño Galili mago kaziga vu'ne, mago agi'a Taiberias tirure hu'za nehaze. <sup>2</sup>Tusi'a vahe krerfamo'za Agrira avariri'za vu'naze, na'ankure krime vase'naza vahe'ma kaguvazana huno zamazeri so'e hige'za nege'za avariri'za vu'naze. <sup>3</sup>Anante Jisasi'a agonarega mrerino amage nentaza disaipol naga'ane Agrane anante umani'naze. <sup>4</sup>Hagi Jiu vahe kinafinti zamare'nea kna (Pasova) muse hu'za ne'za ne kna'zmi atupa hu'ne. <sup>5</sup>Anante Jisasi'a, keganti kegma huno keama hakare vahe krerfa Agritega neageno Filipina asmino, Inantegati Bretia miza hanunke'za ama vahe'mo'za negahaze? <sup>6</sup>Ama kema Jisasima hiana Filipina reheni ke'ne, na'ankure Agra inankna zano hni'ana antahi'neni, reheni antahige'ne. <sup>7</sup>Filipi'a ke nona'a amanage huno asmi'ne, 2 hantreti'a silva zgoreti<sup>f</sup> mizama hania Bretimo'a, mago'mago'mo'ma osi'a neterema haniana ama vea krerfafina knarera huozmantegahie. <sup>8</sup>Agri amagemanentea disaipol ne' Endru, Saimon Pita negna amanage huno Jisasina asmi'ne, <sup>9</sup>Amagi mago osi mofavre emani'neni 5fu'a bali Bretigi, tare nozamegi huno eri'neanagi, asi'amo'a inankna huno ama veapina knarera hugahie? <sup>10</sup>Jisasi'a amanage huno hu'ne, ke huge'za mopafi maniho. Anampina trazamo hu'nefi 5 tauseni'a vahe'naza mopafi mani'nage'za, vene'ne age hampri'naze. <sup>11</sup>Jisasi'a Breti erino Anumzamofonte nunamu hunteteno, erigorino mani'nare refko huno nezmino, anazanke huno nozamea zamige'za nenazageno zamu hu'ne. <sup>12</sup>Nazageno zamu'ma higeno'a, Agri'ma amage' nentaza disaipol naga'a zamasmimo, atraza ne'zama'a eri atru hiho, e'inahinkeno amne zankna osnie. <sup>13</sup>Anage hige'za eri atru hzageno, 5fu'a bali Bretima kori'za ne'naza atupa atupa'a, 12fu'a eka'eka kupi eriri'naze. <sup>14</sup>E'ina hige'za veamo'za ana kaguvazama Agrama hiaza nege'za, zamagra anage hu'naze. Ama'i tamage huno Kasnampa nere, ama mopafima henka'a egahie hu'za hu'naza ne' mani'ne. (Diu-Kas 18:15)

**Jisasi'a ti agofetu vu'nea naneke**  
(*Mat 14:22-33, Mak 6:45-52*)

<sup>15</sup>Ana vahe'mo'za zamagraregati eme azeriza kini kvazmi manisie hu'za azeri otiku hzageno, Jisasi'a antahino keno nehuno, anantetira zamatreño agonarega Agraku mreri'ne.

<sup>16</sup>Kinaga sege'za, Agri amage' nentaza disaipol naga'mo'za ana kumara atre'za hagerintega urami'naze. <sup>17</sup>Anante ventefi marerite'za, hagerina

<sup>f</sup> eiti'a ikamofo mizane

tkahe'za Kapenium vu'naze. Hago haninkigeno Jisasi'a zamagrama mani'narega uohanati'ne. <sup>18</sup>Hagerimo'a tusiza huno kranto kranto hu'ne, na'ankure tusi'a zaho'mo atufeno egeno ana hu'ne. <sup>19</sup>Ana nehige'za kuta azotareti tina vakakiza 5fu'o, 6si'a kilo mita naza nevu'za zamagra kazana Jisasi'a hagerimofu agofetu ne-eno ventemofu erava'o hige'za nege'za, zamagra tusi zamanogu hu'naze. <sup>20</sup>Hianagi Jisasi'a anage huno zamasmine, ama Nagragi, korera osiho. <sup>21</sup>Anante zamagra zamagu'areti muse nehu'za, Agrira ventefi avrentazageno, vunaku zamagesa antahi'naza mopare ana ventemofu ame huno uhanati'ne.

### Jisasi asimu eri bretigu huzmasmi'nea naneke

<sup>22</sup>Vase'za ko'atige'za, ana hagerimofu ankenare mani'naza vahetmimo'za kazana magore huno onensa vente ramimpintira omne'neanki mago me'ne, anampina Agri amage nentaza disaipol naga'enena Jisasi'a mreorige'za ke'naze. Hianagi Agri'ma amage' nentaza nagamo'za zamagraku vu'naze. <sup>23</sup>Hianagi mago'a ne'one vente rami Taiberias kumateti e'za, Jisasi susu huteno breti zamige'za ne'naza mopa tva'onte ehnati'naz e. <sup>24</sup>Ehnati'za kazama Jisasi'ene, Agri'ma amage nentaza disaipol naga'anema omninage'za nege'za, zamagra osasi vente ramimpi mreri'za, Jisasinku hakre'za Kapenium vu'naze.

<sup>25</sup>Ome hakre'za hagerimofu kantu kaziga Jisasima azeri fore nehu'za, amanage hu'za Agrira antahige'naze, Hurami ne'moka (Rabbai) Kagra nazupa amarera e'nane? <sup>26</sup>Jisasi'a kenonazmia anage huno zamasmine, Tamage hu'na Nagra neramasmue, tamagra Nagriku nehakra'zana, kaguvazma hua zantekura nohakraze. Hagi tamagra bretima nazageno tmu'ma hia zanteku nehakraze. <sup>27</sup>Fanane hania ne'zantera eri'zana e'oriho. Hagi fanane osu manevava hanaza ne'zanku nentahita eri'zana eriho, e'i ana ne'zana Vahe'mofu Mofavremo tamigahie. Na'ankure Nefa, Anumzamo azanko avoma'a retro huno Agri hugnare hunte'ne. <sup>28</sup>Anankere zamagra anage hu'za Jisasina asmi'naze, tagra naza huteta, Anumzamo'ma hania eri'zana erigahune? <sup>29</sup>Jisasi kenona'a huno zamasmine, Anumzamofu amanahu eri'za erihogu avenesie, Agri'ma huntogeno e'nemofonte tamentinti hiho. <sup>30</sup>Anankere zamagra Agri asmi'naze, Kagra na'a avame'zana nehnanketa negeta, tamage huta Kagriteri tamentinti'a hugahune? Kagra nankna'za hugahane? <sup>31</sup>Tagri tfahe'za ka'ma mopafi mana ne'za ne'naze, hu'za krente'naze, ***Agra monafinti breti neho huno zami'ne.*** (Eks-Uti 16:4-36) <sup>32</sup>Anante Jisasi'a zamagrira zamasmine, Nagra tamage, rfa hu'na neramasmue, Mosese'a monafinti bretia agra ontami'ne, hagi menina tamage bretia Nagri Nenfa monafinti neramie. <sup>33</sup>Na'ankure Anumzamofu bretia e'i ama monafinti eramineankino, miko mopafi vahera zamasi mu zamigahie. <sup>34</sup>Zamagra anante Jisasina asmi'naze, Ramoke, e'i ana bretia maka'zupa tmivava

huo. <sup>35</sup>Jisasi anage huno zamasmine, Nagra asimu eri Bretia mani'noe, aza'o Nagrite esnimo'a aga'zankura osugahie. Hagi aza'o Nagriku amentinti hanimofona tinkura mago'ene ave'ositfa hugahie.

<sup>36</sup>Hianagi Nagra nerasmue, tamagra ko Nagrira nage'nazanagi, tamagra tamentintia nosaze. <sup>37</sup>Maka vahe'ma Nenfa'ma, Nagri'ma nenmia vahe'mo'za Nagrite egahaze, hanige'na Nagrite'ma esimofona Nagra vuo hu'na retufe otregahue. <sup>38</sup>Na'ankure Nagra monafinti erami'noe, Nagra navesi'za hunaku ome'noe, hagi hunantege'na e'nomofa avesite erinaku e'noe. <sup>39</sup>Anumzamo hunantege'na Nagra e'nomofa avesira anahu hu'ne! Nagri'ma maka vahe'ma nami'nefintira mago'moe huno fnane osugahie, hagina vgare knarera zamazeri otigahue. <sup>40</sup>Na'ankure Nenfa avesizana amanahu hu'ne, maka'mo'za Nemofo nege'za Agrite zamentinti huntamo'za manivava zamasimu erisage'na, vgamaresia knarera Nagrani'a azeri otigahue.

<sup>41</sup>E'igu Jiu vahe'mo'za Agrikura ke hakare hu'naze, na'ankure Agrama huno Nagra ana Breti monafinti erami'noe hiazante zamarimpa haviza nehige'za ke hakare hu'naze. <sup>42</sup>Zamagra anage hu'naze, ama Jisasi'ma, Josefe nemofo, nefane nereranema negona nepi? Nankna huno menia monafinti Nagra e'noe huno nehie? <sup>43</sup>Jisasi'a ana kemofo nona'a, amanage huno zamasmine, Tamagra tamarimpa havizana osutma ke hakare osiho. <sup>44</sup>Mago'mo'a Nagriteri omegahie, Nenfa'ma hunantege'na e'nomo agu'a avazu hanigeno Nagrite esige'na, vgare kna zupa azeri otigahue. <sup>45</sup>Kasnampa vahe'mo'za amanage hu'za Avontafepina kre'naze, *Ana hanigeno Anumzamo maka'mokizmia huzmasmigahie.* (Aisa 54:13) Maka'mo'za Nenfa ke nentahi'za rempi hanamo'za Nagrite egahaze <sup>46</sup>Mago mo'e huno Nefana onke'ne, Anumzane mani'neni e'nemo Agrake Nefana ke'ne. <sup>47</sup>Tamage hu'na Nagra nerasmue, aza'o amentinti hanimo manivava asimura erigahie. <sup>48</sup>Nagra'ni'a manivava hu'mofo Bretia mani'noe. <sup>49</sup>Tmagehe'za ka'ma mopafi mana nete'za zamagra fri'naze. <sup>50</sup>Ama'ina Bretia monafinti ermi'neankino, mago'mo'ma nesuno'a ofri manigahie. <sup>51</sup>Nagra ksefa mani'zamofa Breti monafinti eramino'e, mago'mo ama ana Bretima nesuno'a, agra manivava hugahie, E'i ana Bretia Nagri navufa me'ne, ana navufamo maka mopafi vahe manivava asimu zamigahie.

<sup>52</sup>Anage nehige'za anante Jiu vahe'mo'za nentahi'za, zamagra ke hugantigma hu'za anage hu'naze, Inankna huno ama ne' mo'a Agra avufa tamisigeta nenaku hunkeno nehie? <sup>53</sup>Ananku Jisasi'a anage huno zamasmine, Tamage rfa hu'na nerasmue, Vahe'mofo Mofavre'mofo avufane, korane onesutma tamasi eritma mani'zana tamagripina omnegahie. <sup>54</sup>Mago'mo, Nagri navufa neneno, Nagri kora nesimo'a manivava asimu erisanige'na, Nagra vgare knazupa azeri otigahue. <sup>55</sup>Na'ankure Nagri navufamo'a tamage ne'zane, higeno Nagri

koramo'a tamage ti me'ne. <sup>56</sup>Mago'mo Nagri navufa neneno, Nagri korama nesnimo'a, agra Nagripi manige'na, Nagra agripi nemnue. <sup>57</sup>Mani'nea Nenfa, Nagrira hunante'ne, na'ankure Nenfa'ma mani'negu Nagra mani'noankino, aza'o Nagri'ma nesimo'a, Nagra mani'nogu agra manigahie. <sup>58</sup>Ama'i monafinti ermi'nea breti me'ne. Tmagehe'za ka'ma mopafi nete'za fri'naza ne'zana omne'ne, aza'o mago'mo ama bretima nesimo'a manivava hugahie. <sup>59</sup>Ama naneke zga Kapenium Jiu vahe osi mono nOMPI (sinagog) mani'nenno Agra'a rempi huzami'nea naneke.

#### **Mago'a Jisasi amage nentaza namoza atre'za vu'naza naneke**

<sup>60</sup>Anazanku hu'za hakare'a Jisasi amage nentaza disaipol naga'mo'za, ama ana nanekema nentahi'za, ama kna'nentake naneke nehianki, iza aghesa anteno antahigahie? hu'za hu'naze. <sup>61</sup>Hianagi Jisasi'ma hiankemo amage' nentaza disaipol nagara zamarimpa eri haviza hzageno, nezmageno, Jisasi amanage huno zamantahige'ne, Amama hua nanekegu tmarimpa kna nehazo? <sup>62</sup>Inankna hugahie, Vahe'mofo Mofavremo'ma negesageno ko'ma mani'nerega ete marerisigetma na'ane hugahaze? <sup>63</sup>Avamu'mo asimura neramie, tavufgamo'a mago'zana eri fore osugahie. Kema nagrama tamagrira neramasmua kemo'a, avamu ene ksefa mani'zane me'ne. <sup>64</sup>Hianagi mago'amota tamentintia nosaze. Na'ankure ese agafareti Jisasi'a zamentinti osnaza vahera, nezmageno iza'o komoru hanige'za Agri'ma ahe simofona agu'a ko ke'ne. <sup>65</sup>Anante Agra anange hu'ne, ama'na agafare nagra tmagrira tmasmi'noe, mago'mo'a Nagritera omegahie, Nenfa'ma avare namisimoke'za egahie.

#### **Pita'a amentinti'a huama hu'nea naneke**

<sup>66</sup>Ana kema hiazanku Agri amage nentaza disaipol nagapintira ruga'amo'za atre'za, Agranena vano osu'naze. <sup>67</sup>E'igu Jisasi'a 12fu'a naga'a zamantahige'ne, Tamagrane natretma vunaku nehazafi? <sup>68</sup>Saimon Pita'a ana kemofo nona'a Agri asmino, Rantimoka izante katreta vunaku hunkenka nehane? Kagri kemo manivava asimura nemie. <sup>69</sup>Tagra tamentinti nehuta Kagrira antahita keta hu'none, Kagra magoke Anumzamofu Ruotge' ne', hugantegenka e'nane. <sup>70</sup>Jisasi'a ke nona'a zamagri zamasmie'ne, Nagra 12fu'a nagara huhampri tmante'noe, hianagi mago'moka havi avamu mani'nane. <sup>71</sup>E'i anagemu hu'neana Saimon Iskarioti nemofo Judasinku hu'ne, na'ankure 12fu'a nagapinti, agra mago zmmimoma henkama komoru huno Jisasima ha' vahe zmazampi avrezamisigeno ahesamofonku hune.

#### **Fugagi no ki'neza, muse ne'za nenaza knafi fore hu'nea naneke**

**7** <sup>1</sup>Ana nanekema huteno Galili kaziga vano nehuno, Judia kaziga vu'zankura ave'osi'ne, na'ankure Jiu kva vahe'mo'za ahenaku ke



retro nehzageno ovu'ne. <sup>2</sup>Jiu vahe'mo'za fugagi nOMPI mani'neza, kave eri'za eme ante'za muse hu'za ne'za nekna kofa hu'ne. (Lev-Pri 23:34) <sup>3</sup>Ananku hu'za afu'agnahe'za Jisasi asmi'naze, Amafina atrenka Judia kaziga vuge'za, Kagri kamagenentaza disaipol naga'mo'za, Kagrama eri fore nehana avame'zana kageho. <sup>4</sup>Na'ankure mago'mo'a oku'a mago'zana osugahie. Vahe'mo'ma amate antahino keno haniema hanunka, avamezama maka mopafi vahete Kagraka'a kzeri ama hunka huge'za kageho, hu'za hu'naze. <sup>5</sup>Na'ankure Agri afu'agnahe'za anazanke hu'za, Agritera zamentinti osu'naze. <sup>6</sup>Anazanku Jisasi'a zamagrira zamasmimo, Nagri knamo'a kofta osu'ne, hagi tamagra amne vano hugahaze. <sup>7</sup>Mopafi vahe'mo'za tmagrikura zamarimpa aheormantegahaze. Hagi Nagrira zamarimpa ahenantegahaze, na'ankure Nagrama huama hu'na avu'ava tmimo'a haviza hu'ne, huazanteku ana nehaze. <sup>8</sup>Tamagra'tmi ana muse nezantera mreriho, Nagra ana muse nezantera ovugosue, na'ankure Nagri knamo'a ehnati'ne. <sup>9</sup>Ama ana nanekema zamasmitemo, Galili kaziga mani'ne.

<sup>10</sup>Hianagi Agri afu'agnahe'za ana muse ne'zantera mareritazageno, anante Agraku anazanke huno zamage'a mrerino, oku'a vu'ne. <sup>11</sup>Ana hige'za Jiu kva vahe'mo'za Agriku ana muse ne'za nekna nehakre'za anage hu'naze. Inantega Jisasi'a mani'nesie? hu'za hu'naze. <sup>12</sup>Jisasinku ana vahe kevufinti sumi ke ohumi ahumi hu'za Agra knare Ne' mani'ne, nehage'za ruga'amo'za huza a'o havi ne'kino, vahera zamavreno havi kante nevie hu'naze. <sup>13</sup>Anage hzanagi mago'mo'e huno eri amateno Agrikura osu'ne, Jiu kva vaheku kore hu'za ana osu'naze.

#### **Jisasi Jerusale mrerino ran mono nOMPI rempi huzami'nea naneke**

<sup>14</sup>Hianagi muse ne'zante mani'nageno knamo'a amu'nOMPI egeno Jisasi'a ra mono nOMPI mrerino, ome agafa huno rempi huzami'ne. <sup>15</sup>Rempi hunezmige'za Jiu kva vahe'mo'za nentahi'za antri nehu'za, anage hu'naze. Inantegati ama ne'mo'a antahi'zana eri'nesnie, avonona osu'nea ne'mo'a? <sup>16</sup>Ana kemofo nona'a Jisasi'a amanage hu'ne, Nagrama rempima huneramuaana, Nagri zana omne'ne, Nagri'ma hunantega'na e'nomofo Agri sune. <sup>17</sup>Aza'o agu'amo otinkeno Anumzamomofo avesi'za huku hanimo'a, rempima nehuana agra antahino, Anumzamofonteti e'nefi, Nagrani'a navesite nehufi refko huno kegahie. <sup>18</sup>Agra'a agu'areti nehanimo'a, agra avufa erira hunaku nehie. Hagi huntene'geno e'nemomofo agi erira nehimo, Agra tamage vahe mani'ne. Hagi mago kzaki zama'a Agripina omne'ne. <sup>19</sup>Mosese'a kasegea taminefi, ontami'negeta, mika'mota ana kasegea amagera nontazo? Tamagra nahigeta nahe frinakura nehaze? <sup>20</sup>Ana vahe kevumo'za ke nona'a asmi'naze, Kagri kagu'afina havi avamu mani'ne! Iza Kagrira kaheku higenka nehane? <sup>21</sup>Jisasi ke nona'a zamasmimo, Nagra magoke avame'za hu'noe, anazanku maka'mota antri hu'naze. <sup>22</sup>Ama ana

agafare Moses'e'a eit (8) zupa mofavre zamufa tga hiho hu'ne. Na'ankure Mosesena agripintira ome'ne. Hagi tmagri tamagehe'impinti e'ne, higetma mni fruhu kna zupa (sabat) vahe zamufa tga nehaze. <sup>23</sup>Mago ne'mo avufa mni fruhu kna zupa tga hanigetma, Moses'e kasege ruhanontagie nehaze. Hagi tamagrira tmarimpa nehe, na'ankure Nagrama vahe'ma mni fruhu knazupa avufa eri so'e hunte'noa zamo tmasia nevzio? <sup>24</sup>Amega zamufarera vahera refko hutma keaga (kotim) huozmanteho. Hagi fatgo avu'avate refko huta nanekea huzmanteho.

<sup>25</sup>Anage hige'za mago'a Jerusale kumate vahe'mo'za amanage hu'naze, Ama'na Nera aheku'ma nehakraza nepi? <sup>26</sup>Keho, Agra amate kevumokizmi zamufi naneke nehiana nahige'za kea nosaze? Kva vahe'mo'za Agrama Kraisi mani'negura, antahi'nafi? <sup>27</sup>Ana hu'neanagi, tagra antahi'none igati ama nera e'neo, hianagi ina knarema Kraisi'ma esiana, mago ne'mo'a Agra igati e'neo ontahigahie. <sup>28</sup>E'i anage nehzageno Jisasi'a ra mono kumapinti (tempol) kezatino rempi hunezmino anage hu'ne, Tamagra, Nagri ene, inantegati Nagra e'noe tarezana hago antahita, ke'naze. Hagi Nagra navesitera ome'noe, hianagi aza'o hunantege'na e'nomo, Agrake tamage nere, tamagra ana nera onke'naze. <sup>29</sup>Nagra, Anumzamofona ke'na antahi'noe, na'ankure Nagra, Agritegati Agra hunantege'na e'noe. <sup>30</sup>Anage hige'za Jisasi'na azerinaku hu'nazanagi, mago'mo'a aze'orine, na'ankure Agri kna zahufa ome'ne. <sup>31</sup>Hianagi ana vahe kevufinti hakaremo'za, Agrite zamentinti nehu'za anage hu'naze, Mesaia'ma<sup>s</sup> esuno'a, Agra hakare'a avame'zama ama ne'moma nehia zana agtereno hugahifi ana osugahie?

<sup>32</sup>Atru hu'naza vahe'mo'za Jisasinku sumi ke hugantu hugma nehzage'za, Farisi vahe'mo'za nentahi'za, vugote'naza mono kva (Pris) vahe'mo'zane Farisi vahe'mo'za, Jisasi azerihogu ra mono nonte kegva hu'naza vahe (tempol gats) huzmantage'za vu'naze. <sup>33</sup>Anazanku Jisasi zamasmine, osi'a kna tamagra ne manite'na, ete Agrama hunantege'na e'noa Netega Nagra vugahue.

<sup>34</sup>Tamagra, Nagrikura hakre gahazanagi, Nagria nagefore osugahaze. Hagi Nagrama umani'surega tamagra ovugahaze. <sup>35</sup>Jiu kva vahe'mo'za zamagra zamagra ke hugantu hugma nehu'za anage hu'naze, Inantega Agra vnigeta Agrira onkeku hunkeno nehie? Agra tatreno Jiu vahe'mo'za Griki umani'naza vahe ene, Griki vahe rempi huzamiku Jisasi'a nehio? <sup>36</sup>Ina knahu ke Agra huno, Tamagra, Nagrikura hakre'gahazanagi, Nagria nage fore osugahaze, hagi Nagrama mani'nesurega tamagra vuga osu'naze huno nehie?

### **Manivava Tinku'ene, Avamu'enenku Jisasi'a rempi huzami'nea naneke**

<sup>37</sup>Ne'za nene'za musenkase nehzageno, vgare kna zupa ran knagino, Jisasi otino kezatino anage hu'ne, Tinku avesinimofona, atrenkeno

---

<sup>s</sup> Anumzamo huntengono e'ne. Hibru kefina Mesaia'e nehaze, hagi Grik vahe kefina, Kraisi'e nehaze.

Nagrite eno eme neno. <sup>38</sup>Anumzamofa avontafepi kre'nere, Aza'o, Nagrite amentinti nehnimo'a negahie, **Agri agu'afinti manivava timo hageno evugahie.** (Aisa 58:11) <sup>39</sup>Hianagi Agrama amanahu kema hu'neana Ruotge Avamuku hu'ne, Agrite zamentinti hanamo'za erisagu hu'ne, na'ankure Jisasi'a ra agi e'orineno, Ruotge Avamura eoraminegeno hu'ne.

#### Tarefi refko hu'za Jisasinku hu'naza naneke

<sup>40</sup>Ana kema mago'a vahemo'za nentahi'za, amanage hu'naze, Ama'i tamage huno Kasnampa ne' mani'ne hu'za hu'naze. <sup>41</sup>Ruga'amo'za anage hu'naze, Ama'i Kraisi'e nehzageno, ruga'amo'za hu'za, Galili kzigatira tamage Kraisi'a omesnifigure? <sup>42</sup>Anumzamofa avontafe'mo huno, Deviti nagapinti Betrehemia Kraisi'a fore hugahie. Deviti mani'nenno hu'nea kumateku osu'nazo? (Sam-Zga 89:3-4, Maik 5:2) <sup>43</sup>Ana vahe kevfufinti Agriku hu'za antahi'za zamifi refko hu'naze, <sup>44</sup>Mago'amo'za Jisasina azerinaku hu'nazanagi, mago'mo'e huno aze'orine.

#### Kva vahe'mo'za Jisasinte zamentinti osu'naza naneke

<sup>45</sup>Anante ra mono nonte kva vahe'mo'za azage'za, vugota pris kva vahe'ene Farisi vahe'mo'za anage hu'naze, nahigetma Jisasina avretma ome'naze? <sup>46</sup>Ana ra mono nonte kva vahe'mo'za kenona'a hu'za, Mago ne'mo'a kora higeta ontahi'nona naneke, ama ne'mo'a nehie. <sup>47</sup>Farisi vahe'mo'za kenona'zmirera amanage hu'za zamantahige'naze. Tamagri'enena anazanke huno havi kante tmareno nevifi? <sup>48</sup>Mago ran kva vahe'motafi, Farisi vahe'mota, Jisasintera tamentintia nehumpi nosu'ne? <sup>49</sup>Hianagi ama vahe kevua, kasegema ontahi'nagu havizamofa agu'afi mani'naze. <sup>50</sup>Nikodimasi'ma kenagepi Jisasinte vu'nea kva ne'mo, amu'no zamifi mani'nereti amanage huno zamasmine. <sup>51</sup>Tagri kase kemo'a mago nera refko huno kegaga hunonteanke, pusante agripinti na'a hu'nesie kea eriteno, tamagefi havige huteno keaga huntegahie. (Diu-Kas 17:6) <sup>52</sup>Zamagra kenona'a asmine'naze, Kagra anazanke hunka Galili kazigati e'nampi? Anumzamofa avon tafepi hamprinka ko, mago kasnampa (profet) nera Galilia fore osugahie, hu'za Nikodimasi asmine'naze. <sup>53</sup>[<sup>h</sup>Ana nanekema hute'za, mago mago'mo noma'arega vuno eno hu'ne.

#### Vere a'mo ru vene vase'nea naneke

**8** <sup>1</sup>Hianagi Jisasi'a Olivi Agonare vu'ne. <sup>2</sup>Nanterame otino Agra ra mono kumapi eteno ege'za, maka vahe'mo'za Agrite ageno, Agra tamumnino agafa huno rempi huzamine. <sup>3</sup>Kasegere ugagota hu'naza vahe'mo'zane, Farisi vahe'mo'za ru vene monko'za hu'nea a' avare'za, ana nomofa amu'nompi eme

<sup>h</sup> Mago'a vahe'mo'za antahizana Jon 7:53–8:11 vu'nea kea korapa avo tafepina omne'neanki, mago'a vahe'mo'za henka'a kre'naze.

azeri oti'za, <sup>4</sup>zamagra anage hu'za Jisasina asmi'naze, Hurami ne'moka, ama a'mo'a monko'za nehigeta keta eri fore hu'none. <sup>5</sup>Mosese kasegemo'a huramino, monko'za hu'nesia a'nea, have knonu ahe friho hu'ne. Hagi Kagra na'ane hunka hugahane? <sup>6</sup>Zamagra anagama hu'nazana Jisasi revatga hu'za naneke huntenuku, kema huntesa agafa'a keza eri fore hunaku hu'naze. Hianagi Jisasi kepri huno azankonu mopare avon kre'ne. <sup>7</sup>Hianagi zamagra kazigzi hu'za antahi'negageno, Jisasi otino amanage huno zamagrira zamasm'i'ne, aza'o amu'nontamifi'ma kumi'a omne'nenimo, pusantera havea erino aheni. <sup>8</sup>Ete pri huno mago'ane azankonu mopare avon kre'ne. <sup>9</sup>Ana naneke zamagra nentahi'za, esera ranra vahe atirami'za nevzageno, ana amage'a magoke magoke'mo'za atirami'za vutere hu'za vuhna hzageno, Jisasi'ene ana a' ene znagrake anampina mani'na'e. <sup>10</sup>Jisasi'a otino anage huno ana ara asmi'ne, kaheku'ma haza vahera iga vaze? Magora iza ke naneke hugantegahie? <sup>11</sup>Ana a'mo anage hu'ne, Ramoka mago'mo nanekea hunonante, anante Jisasi'a huno naganena nanekea huogantegahue. Kagra nevunka, menintetira agafa hunka mago'ene kumira osuo.]

#### **Jisasi'a mopafi vahe'mokizmi msa'zimi mani'nea naneke**

<sup>12</sup>Anante Jisasi'a mago'ene anage huno zamasm'i'ne, Nagra'ni'a ama mopamofu Msa mani'noe, aza'o namge'ma esimo'a hanimpina vano osugahie. Hianagi asimu eri Msa erigahie. <sup>13</sup>Nehigeno Farisi vahe'mo'za anage hu'za asmi'naze, Kagrama kema nehanana, Kagra kagenke huama nehane, Kagrama huama nehanana tamagea nosane. <sup>14</sup>Jisasi'a anankemofu nona'a amanage huno zamasm'i'ne, e'ima Nagrama ke huama Nragu'ma nehuana, Nagri naneke'mo'a tamage, na'ankure Nagra igati e'na, ete'na iga vugahuo, Nagra antahi'noe, hianagi Nagra igati e'na, iga Nagra vugahuo tamagra ontahi'naze. <sup>15</sup>Amega zamuzmate tamagra vahera refko nehaze, Nagra mago vahera menina refko nosue. <sup>16</sup>Hianagi Nagrama mago'mofu refko huntegahue hanuana, Nagrama troma hanua antahi'zamo'a fatgo hugahie, na'ankure Nagra'kera refko nosue, hianagi Nagra'ne hunantege'na e'noa Nenfa ene refko nehu'e. <sup>17</sup>Tamagri kasegefina anage huno krente'ne, tare vahe tremoke ke'ne'na'a zankuma (witness) hana'ana tamage. (Diu-Kas 17:6, 19:15) <sup>18</sup>Nagra tamage ke huama Nagra'ni'agu nehugeno, hunantegeni e'noa Nenfa'a Nagriku tamage huno huama nehie. <sup>19</sup>Zamagra amanage hu'za asmi'naze, Negfa'a iga mani'ne? Jisasi'a kenona'a zamasm'i'ne, Nagri'ma onage nesnutma Nenfana antahita keta osugahaze, hagi tamagra ma Nagri'ma nage'anke resuta, anahu kna hutma Nenfana kegahaze. <sup>20</sup>Ama naneke'ma hu'neana ra mono nomp'i zgoma nentazare mani'neni, Jisasi'a rempi hunezmige'za mago'mo'a aze'ori'ne, na'ankure Agri kna'a ome'ne.

#### **Vahe'mo'za Jisasima vanirega ovugahaze hu'nea naneke**

<sup>21</sup>Anante ete mago'ene anage huno zamasm'i'ne, Nagra tmatre'na vnugeta Nagri'kura hakregahaze, tamagra kumi tmifi frigahaze, Nagrama

vnurega tamagra ovugosaze. <sup>22</sup> Jiu kva vahe'mo'za anage hu'naze, agrazante ahe fri'naku nehifi, Agra huno Nagrama vanurega, tamagra ovugahaze hunoma nehiana? <sup>23</sup> Jisasi anage huno zamasmine, tamagra amafinti vahe mani'naze, Nagra anagamutire, tamagra ama mopafi vahe mani'naze, Nagra ama mopafi vahera omni'noe. <sup>24</sup> E'ina hu'negu, kumi'tamifi tamagra frigahaze hu'na Nagra neramasmue, na'ankure tamagra ma ama kema nehia Nera ama'ne, hutma tamentintima osnazana, tamagra kumi tamifi frigahaze. (Ekso-Uti 3:14, Jon 8:28, 8:58, 13:19, 18:5-8) <sup>25</sup> Zamagra anage hu'za Jisasina asmine, Kagra izage? Jisasi'a anage huno zamasmine, na'ane hu'na ese agafarera Nagra tmasamine? <sup>26</sup> Nagra rama'a zanku keaga nehu'na tamagrira refko hurmante'naku nehue. Hianagi hunantege'na e'nomo'a tamage Nere, Agripinti antahi'noa ke, Nagra ama mopafi vahera nezmasmue. <sup>27</sup> Nefanku Agra nehige'za zamagra antahi ama osu'naze. <sup>28</sup> Jisasi'a anage hu'ne, tamagrama Vahe'mofo Mofavrema azeri sgama hanutma, tamagra antahi ankeretma Agra ama ana Nere hugahaze, Nagra'ni'a nagesafintira nosuanki, Nenfa'ma rempi hunamine'nea ke'age nehue. <sup>29</sup> Anumzamo hunantege'na e'nomo, Negrane nemnie, Agra natrege'na Nagrakera nomanue. Na'ankure Nagrama, Agri avesizama huvava huazankura, Agra muse nehie. <sup>30</sup> Anagama nehige'za rama'a vahe'mo'za Agrite zamentinti hu'naze.

### **Abrahamu mofavre zgane, Sata mofavremokizmi naneke**

<sup>31</sup> Jisasi'a, Jiu vahe zamentinti hu'namokizmia amange huno zamasmine, Nanekenia miko knama erizafa huvava hanuta, tamagra Nagri namage ante disaipol naga manigahaze. <sup>32</sup> Ana nehutma tamagra tamage naneke antahisnageno, ana tamage nanekemo katufe tmantegahie. <sup>33</sup> Zamagra kenona'a anage hu'naze, tagra Abrahamu agehete, magore huta mago netera kazokzo eri'zana e'ori'none, Kagra nahigenka katufe tmantesageta amne vugahaze hunka nehane?

<sup>34</sup> Jisasi'a anage huno zamasmine, tamagerafa hu'na tamagrira nermasmue, maka kumi'ma nehza vahe'mo'za kumi'mofo kazokzo vahe mani'naze. <sup>35</sup> Kazokzo vahe'mo'a nompina manivava nosie, hanki mofavremoke nompina manivava nehie. <sup>36</sup> E'inahigu Nemofoma katufe tmantena knare hutma mani so'e hugahaze. <sup>37</sup> Nagra antahi'noe, tamagra Abrahamu ageheta mani'nazanagi' Nagri nahe frinaku kanku nehakaze, na'ankure Nagri nanekemo'a tamagri tamagu'afina omne'ne. <sup>38</sup> Nagrama kema nehuana, Nenfa'ene mani'nena ke'noa zanku neramasmue, tamagrama nehazana neramafampinti'ma antahinazaza nehaze.

<sup>39</sup> Zamagra kenona'a Jisasina anage hu'za asmine, Abrahamu'a tagri nerfa'e, Jisasi'a anage huno zamasmine, a'o, tamagra ma Abrahamu mofavrema mani'nenutma Abrahamu hu'nesia avu'ava hugahaze. <sup>40</sup> Nagra

tamage naneke Anumza'mofompinti antahi'noa ke neramasmue, hianagi Nagrira nahe'za nehaze. Abrahamu'a e'inahura osu'neaza tamagra hunaku nehaze. <sup>41</sup>Tamagra neramafa avesiza nehaze. Zamagra kenona'a anage hu'naze, tagra savri avu'avatetira fore osu'none, tagrira magoke Nerfa, Anumzana Agrake mani'ne. <sup>42</sup>Jisasi'a anage huno zamagrira zamasmine, Anumzamo'ma tmagri nerfa'ma mani'neasiana, tamagra Nagrira navesi nantasine, na'ankure Nagra efore hu'noana, Anumzamo hunantege'na e'noe. Nagrani'a navesitera ome'noe, hagi Anumzamo hunantege'na e'noe. <sup>43</sup>Nahigeta kema hua nanekea antahi amara nosaze? Na'ankure Nagrama hua nanekea antahi ama nosazagu, ana nehaze. <sup>44</sup>Tamagra Sata mofavre naga mani'naze, ana hunetma nermafama avenesia avu'avaza nehaze. Ese agafare vahe ahe fri'nea ne' mani'nenno, tamage nanekemofona amage nonte. Na'ankure tamage kea agripina omne'ne. Kema hifina, havigege nehie, agra avu'ava zanku kea nehie. Na'ankure havige ne' mani'nenno, havigemofa nefa'e. <sup>45</sup>Hianagi na'ankure Nagra tamage nehugetma, tamagra nanekeniarera tamentintia nosaze. <sup>46</sup>Amama, mani'nafitira izaga Nagrikura kumi hu'ne hunka nanekea hunantegahane? Nagrama tamage nehusugetma, nahnigetma tamentintia osugahaze? <sup>47</sup>Aza'o Anumzamofa naga mani'nenimo'a, Anumzamofa naneke nentahie, ama'na agafare tamagra nontahize. Na'ankure tamagra Anumzamofa nagara omni'naze.

<sup>48</sup>Jiu vahe'mo'za anage hu'za kenona'a asmi'naze, hufatgo huta negasmune, Kagra Sameria vahe mani'nankeno hankromo kagu'afi fre'nefi? <sup>49</sup>Jisasi'a anage huno kenona hu'ne, Nagrira nagu'afina hankrora omni'ne, hianagi Nagra Nenfa ra agi nemugetma, tamagra Nagrira nazeri fenka nenatra'ze. <sup>50</sup>Nagra ra nagi erinakura nosuanki, Anumzamo Nagri nagi'a eri ra nehuno, naneketi refko hurantegahie. <sup>51</sup>Tamagerfa hu'na neramasmue, Keni'a nentahimo'a, agra ofrigahie. <sup>52</sup>Jiu vahe'mo'za Jisasinku anage hu'za asami'naze, menina tagra antahi'none, hankromo kagu'afi mani'ne. Abrahamu'a fri'negeno, kasnampa vahe'mo'zanena anazanke hu'za fri'nazagenka, Kagra anage nehane, iza'o nanekenia avariri simo'a, agra ofrigahie hunka nehane. <sup>53</sup>Abrahamu nerfa'a ko fri'neanki, Kagra agtere'nano? Kasnampa vahera ko fri'nazanki! Kagra kagesa antahinana aza'ne hunka nehane? <sup>54</sup>Jisasi'a anage huno zamasmine, Nagra nagi erira hanuana, ana Nagimo'a amnezasegahie. Hianagi Nenfa'a Nagri nagi erira nehigeta, Agrikura tamagra hutma, Agra, tagri Anumzane nehaze. <sup>55</sup>Tamagra Agrira antahinomize, hianagi Nagra antahi'na ke'na Agrira hu'noe, hankina Nagrama hu'na, Agrira antahi'na kena osu'noe hanuana, havige hu'na tmagrikna hugahue, hianagi Nagra Anumzamofona antahina kena hu'nena, ke'a erizafa nehue. <sup>56</sup>Neramafa Abrahamu'a Nagri kna kenaku muse nehuno, keteno tusi'a muse hu'ne. <sup>57</sup>Jiu vahe'mo'za Jisasinku anage hu'naze, Kagra 50'a kafuzge

osu'nane, Kagra Abrahamuna ke'nano? <sup>58</sup>Jisasi'a anage huno zamasmine, tamagerafa hu'na nerasmue, korapa Abrahamuna kse onte'nage'na, Nagra mani'noane. <sup>59</sup>E'inagemahiazanku have eri'za mate vuza ahe'za hu'naze. Hianagi Jisasi'a ra mono nompinti (tempol) oku'a atiramino fegi'a vu'ne.

### Avurga asu' hu'nea ne'mofo naneke

**9** <sup>1</sup>Anama Jisasi'a vugatereno nevuno, mago nera reranku'afinti avu asuhu'nea ne' ksente'nea omege'ne. <sup>2</sup>Agri amage nentaza disaipol nagamo'za antahige'za, Hurami ne'moka (Rabbai) aza kumira hu'negenoma avu asuhu nera ksente'ne, agra'afi nererapi nefa'e? <sup>3</sup>Jisasi'a amanage huno kenona hu'ne, ama ne'mo kumira osigeno, nerera nefa kumira osu'ne. Hu'neanagi e'i zama fore hu'neana Anumzamofu eri'zamo agripinti eriana hanigu e'inahu hu'ne. <sup>4</sup>Hunantege'na e'noa ne'mofo eri'zana, tagra zgema me'nesire Agri eri'zana erisune. Hanima esigeno'a mago vahemo'a erizana e'origahie. <sup>5</sup>Nagrama ama mopafima emani'noana, Nagra ama mopafi vahe'mofo Tvire. <sup>6</sup>Anage Agra huteno, mopare avetu heno eri igri huno, higogna huteno, ana mopa tarega avure frenenteno, <sup>7</sup>amanage huno asmi'ne, Vunka Silomu tirupi ti omefro. (Silomue hu'nea kemofu agafa'a, huntogeno vu'ne hu'ne.) Ana hutegenovuno ti ome freteno, avurga hari higeno mika'zana negeno e'ne. <sup>8</sup>E'ina hige'za, ana ne'mofo tvaonte nemni'za vahe'mo'zane, ana ne'mo keza netige'za negaza vahe'mo'zanena amanage hu'naze, Ama ne'mo mani'nenokezatinomeme nehigeta negona nepi ru nere? <sup>9</sup>Mago'amo'za anage hu'naze, ama ana nere nehazageno, mago'amo'za hanaveti'za anage hu'naze, a'o agra ana ne' kna'nehie. Ana ne'mo huno, nagra ana ne' mani'noe, huno zamasmine! <sup>10</sup>Zamagra anage hu'za antahige'naze, Inankna hankeno kavurga erihari hugante'ne? hu'za agenoka hu'naze. <sup>11</sup>Agra ana ke'nona anage hu'ne, mago ne'ma Jisasi'e nehaza ne'mo, mopa erino tinuti eri igri huteno navurgare frenanteno, amanage huno nasmi'ne, Siloamu vunka tirupi omefro hige'na, vu'na tina ome frogeno, navu rgamo'a hari hige'na navua ke'noe. <sup>12</sup>Zamagra ana ne'ku anage hu'naze, kvuma eri so'e hu'nea nera inantega mani'ne? Hzageno avuma azeri harima hunte'nea ne'mo'a, nagra onke'noe hu'ne.

### Farisi vahe'mo'za avurga eri hari hu'nea ne' antahige'naza naneke

<sup>13</sup>Anama avu asu hu'negenoa azeri hari hu'nea nera, avare'za Farisi vahete vu'naze. <sup>14</sup>Anankna mni fruhu kna (sabat) zupa Jisasi'a hapara erino avurga erihari hu'negeze. <sup>15</sup>Anante Farisi vahe'mo'za mago'ene antahige'za, nankna hankeno kavumo'a hari hu'ne hzageno, ana avuma eri so'e hunte'nea ne'mo anage huno zamasmine, Agra hapa erino navure frenantege'na, ti ome frogeno navumo'a hari hige'na ke'noe.

16 E'ina hu'negu mago'a Farisi vahe'mo'za anage hu'naze, e'i ana nera Anumzamoa huntegeno ome'ne, na'ankure mni fruhu kna ana ne'mo kegva nosie. Hianagi mago'amo'za anage hu'naze, inankna huno kumi ne'mo'a amanahu kaguvazana erifore hugahie? Anage nehu'za keha're'za amu'nompinti vahera refko hu'naze. 17 Ana hute'za mago'ene avuma asu hu'negenoma, eriso'e hu'nea nera antahige'za, na'ane hunka kavurgama eriso'e hu'nea nekura nehane? Ana ne'mo huno, Agra kasnampa nere.

18 Jiu kva vahe'mo'za, avurga asu osu'nea neku nehaze, nehu'za zamentinti osu'za, ana ne'mofo nererane nefane znagi hu'naze. 19 Zamagra nererane, nefane znantahige'naze, ama'i mofavrea avu asuhu'negeta ksente'na'o? Hanki inankna huno menina avua nege? 20 Nererake, nefake kenona'a anage hu'na'e, Tagra antahi'no'e, ama tagri mofavre, avu asu hu'nea ksente'no'e. 21 Hianagi tagra antahita keta osu'none, menima avuma nege'zane, aza avua eri so'e hunte'neo ontahi'no'e. Agra ra vahe mani'neanki, antahigenkeno agra tmasmino. 22 Nererake nefakea amanahu kema hu'na'ana, na'ankure Jiu mono kva vaheku koro hu'ke anage hu'na'e. Na'ankure Jiu mono kva vahe'mo'za ke retro hu'za, mago'mo Jisasinku Kraisi'e huno, huama hanimofona, Jiu mono nompinti (Sinagog) ahe natigahune, hu'naze. 23 Ana ke agafare nererake nefakea hu'ke, agra ra vaheki agri antahige'ho hu'na'e.

24 Ete mago'ene, ko'ma avu asuhu'nea ne' agi hu'za asmi'naze, Anumzamomo avure tamage hunka huo, kavu eri hari hu'nea nera, kumi ne' mani'negeta tagra antahi'none. 25 Ana ne'mo anage hu'ne, nagra ontahi'noe Agra kumi ne' mani'neo, magoke'zama nagra antahi'noana, navua asu hu'neane, hagi menina navu negoe. 26 Anante Farisi vahe'mo'za asmi'za, Jisasi'a nankna'za kagrira hugante'ne? Inankna huno Agra kavurga erihari hu'ne? 27 Avuma eriharima huntenea ne'mo anage hu'ne, nagra ko tmasmi'noanagi ontahi'nazo. Nahigetma ru'ene antahinakura nehaze? Tamagra nena Agri amage'ante disaipol naga maninaku nehazafi? 28 Zamagra ana kemofo nona'a knara kefinti fra vazinte'za, kagra Agri amage nentana disaipol ne' mani'nananki, tagra Mosesese amage nentona vahe mani'none! 29 Anumzamomo Mosesena kea humigeta tagra antahi'none, hianagi ama'i nera igati e'neo, tagra ontahi'none. 30 Ana ne'mo anage huno zamasmie, ama ruzahu'zama hu'nea nera, Agra igati eno, navurga erihari hige'na ke'noe, tamagra ontahi'naze! 31 Tagra antahi'none, kumi vahera Anumzamoa antahinomie, hianagi iza'o mono hunenteno Agri amage' ante fatgohani'mofona, Anumzamomo antahiamigahie. 32 Mona mopa fore hu'nea knareti, avu asu hu'nea vahera mago ne'mo'e huno avurga eri hari hie kea ontahi'none. 33 Ama ne'ma Anumzamofontegatima ome'nesuno'a, Agra mago'zana osugahie. 34 Farisi vahe'mo'za anage hu'naze, Kagrira miko kumi'zampi ksegante negenka, tagri rempi hurami'za nehano? Anage nehu'za Jiu mono nompintira (Sinagog) avazu hu'za, atufe atrageno vu'ne.



### Avamupi zamu asuhu'nea naneke

<sup>35</sup>Ana ne'ma avazuhu megi atraze kea Jisasi'a nentahino, ome kefore huno Agra amanage hu'ne, Kagra Vahe'mofo Mofavrere kmentinti nehano? <sup>36</sup>Ana ne'mo anage hu'ne, Agra iza'e ramoka, nagrama Agrite namentinti'ma hanuana? <sup>37</sup>Jisasi'a anage huno asmi'ne, kagra Agrira negane, e'i ana ne'mo kagri'enena keaga nehie. <sup>38</sup>Avuma eri hari hu'nea ne'mo anage hu'ne, Ranimoka nagra namentinti hue, nehuno anante mono hunte'ne. <sup>39</sup>Jisasi'a amanage hu'ne, Vahe refko hunaku ama mopafina ermi'noe, e'ina hanugeno zamuma nonke'samo'za kesageno, zamuma negesa'mokizmi zamumo'a asu hugahie. <sup>40</sup>Mago'a Farisi vahe Agrane anante mani'namo'za, ana naneke nentahi'za anage hu'za Jisasina antahige'naze, Tagri tavumo'enena asu hu'nefi? <sup>41</sup>Jisasi'a anage huno zamasmine, tamavurgamo asu hu'neasina kumi'tmia omne sine, hianagi tamagra huta tavua negone nehzagu, kumi'mo'a tmagripina megahie.

### Jisasi'a Knare Sipisipi Kva Nere

**10** <sup>1</sup>Nagra tamagerafa hu'na neramasmue, iza'o sipisipi keginamofokafanteti agu'afi uofreno, ruganteti tka'uresimo'a, kumzafa ne'kino, vahe'za avazu hugahie. <sup>2</sup>Hianagi iza'o kahantegati ufresimo'a sipisipi kva fatgo mani'ne. <sup>3</sup>Kafante kva ne'mo agrira kafana anagintegenogeno, sipisipimo'za agri ageru nentahize. Ana afu kva ne'mo Agri'a sipisipimokizmi zamagi neheno, zamavreno vugota nehie.

<sup>4</sup>Agrama afu'zga'ama zamavre atru huteno, vugoteno nevig'e'za, amage' avriri'za nevze. Na'ankure zamagra agerura antahi ani' nehu'za amage vu'naze. <sup>5</sup>Onke'nesaza nera, tamage hu'za zamagra amagera ovugahaze. Hagi atre'za fregahaze, na'ankure zamagra ontahi'nesaza agerutera kore hugahaze. <sup>6</sup>Jisasi'a fronka kefinti zamasmineanagi, zamagra nankna kema Agrama zamasmiana, ana kemofo agafa'a zmagra antahi ama osu'naze.

<sup>7</sup>Ana hzageno Jisasi'a mago'ene zamasmino, Tmagerfa hu'na tmagrikura nehue, Sipisipimokizmi kafana Nagra'ni'a mani'noe. <sup>8</sup>Ko'ma egote'za e'naza vahe'mo'za, kumza vahekiza, vahe'za avazu hugahaze. Hianagi sipisipimo'za zamagerura ontahigahaze. <sup>9</sup>Nagra'ni'a kafana mani'noe, iza'o Nagri'teti efresimo'a knare huno mani'nenogeno, efreno atiramino nehuno knare tra'zankura hakregahie. <sup>10</sup>Hanki kumzafa vahe'ma esuno'a, kumzafa seno, ahe nefrino, eri haviza hunaku egahie. Nagrama e'noana zamagra zamasmu e'neri'za, ana asimu eri avitetfa hanazegu e'noe. <sup>11</sup>Nagra'ni'a knare sipisipi kva ne' mani'noe, Knare sipisipi kva vahe'mo'a Agra'a sipisipireku huno asimura atregahie. <sup>12</sup>Zgo erinakuma avrema antesigeno erizama erisia ne'mo'a, sipisipi kva omnino sipisipi nefa'a omni'neankino, kesigeno afi krama esigeno'a, sipisipia

atreno fresigeno, afi' kramo (wulf) zamagene reno zamahe panani hugahie. <sup>13</sup>Na'ankure agrira zgo erizante avrente'nazankino sipisipigura aghesa ontahino, agra zamatrengo fregahie. <sup>14</sup>Nagra'ni'a knare sipisipi kva mani'noe, Nagra sipisipi nagani'a ke'na antahi'na huge'za, zamagra Nagrira nage'za nantahi'za hu'naze. <sup>15</sup>Ana hu'negu Nenfa'a, Nagrira nageno nantahino nehige'na, Nagranena Nenfana age'na antahi'na hu'noe, Nagra nasimura sipisipimokizmire atregahue. <sup>16</sup>Ruga'a sipisipini'a ama kegina agu'afina omni'naze, Nagra anahu kna hu'na zamaresuge'za, nagerura nentahi'za, zamagra magoke afu kevu hu'za mani'nageno, magoke afu kva vahe manigahie. <sup>17</sup>Ama'na agafare Nenfa'a avesin'enante, na'ankure Nagra nasimura atretena, hagi ete nasimura erigahue. <sup>18</sup>Mago'mo'a nasimura Nagripintira eriotre'gahie, hianagi Nagra'ni'a navesite antregahue. Nagrira hanaveni'a me'neankina antete'na, Nagripi hanavea me'neankina ete nasimura erigahue. Ama'na kea Nenfa nasamino huo hu'neankina hugahue.

<sup>19</sup>Na'ankure anagema hiazanku, Jiu vahe'mo'za zamagra'zmi mago'ene tarefi refko hu'naze. <sup>20</sup>Rama'amo'za hu'za, kefo hankro'mo agu'a fre'negenog negi neneanki, nahigetma naneke'a nentahi'ze? <sup>21</sup>Mago'amo'za anage hu'naze, hankro'mo agu'afi fre'nea vahe nanekea omne'ne. Hankromo'a avu asuhu vahera erihari hanigeno kegahifi, onkegahie?

**Mono no kafa anagi'naza kna eme antege'za ne'za  
neku, hazare Jisasi'a hanati'nea naneke**

<sup>22</sup>Anante mono noma renagi'za Anumzamofog ami'naza ne'zane kna Jerusale kumate fore hu'ne. <sup>23</sup>Zasi ko atu knafi, Ra mono kumapi Jisasi'a, Solomon agire asamare'naza no kinte'nafi vano hu'ne. <sup>24</sup>Jiu kva vahe'mo'za Jisasi'na eme regagi'za, anage hu'za asmi'naze, nama'a kna kagra tazeri antesanketa kvega antegahune? Kagra Kraisi'ga mani'nenunka huama hunka amne tasmio. <sup>25</sup>Jisasi'a kenona zamire anage huno zamasmine, Nagra ko tamasminogetma, tamagra tamentinti nosaze, mika eri'zama Nenfa agifima enerua eri'zamo, Nagri nazeri ama nehie. <sup>26</sup>Hianagi tamagra tamentintia nosaze, na'ankure Nagri sipisipia tamagra omni'naze. <sup>27</sup>Nagri sipisipimo'za nagerura nentahize, hige'na Nagra zamantahi'noge'za, Nagrira namage neaze, <sup>28</sup>Nagra, mani'vava zamasmimura nezmue. Hagi zamagra fanene osugahaze. Mago ne'mo'a nazampintira ohanaregahie. <sup>29</sup>Nenfa'ma ana vahe nami'nemo, maka zampina ra hu'neankino, mago'moe huno Nenfa azampintira ohanaregahie. <sup>30</sup>Nenfa'ene, Nagranena magoke mani'noe.

<sup>31</sup>Huno nehige'za Jiu kva vahe'mo'za ahe frinaku ru'ene havekno eri'naze. <sup>32</sup>Jisasi amanage huno zamasmine, Nenfantegati knare eri'zana hakare'a hurmeri'noanki, ama anampintira ina erizanteku hutma have knonura naheku nehaze? <sup>33</sup>Jiu kva vahe'mo'za ke nona'a anage hu'naze,

knare eri'zama eri'nana zantera tagra have knonura onkahe'gosune, hianagi Anumzana huhaviza nehunka, kagra amne vahe'moka, Anumza mani'noema hanazanku kaheku nehune. <sup>34</sup>Jisasi'a kenona'a zamasmine, tamagri kasegefina na'ane huno korapara krente'ne, *Anumzamo'a huno, tamagra tmia anumza mani'naze hu'ne?* (Sam-Zga 82:35) <sup>35</sup>E'ina higu Anumzamofa nanekemo'a zamagrute e'nea nagaku huno, anumza tmine hanuno'a, (Anumzamofa avontafepe krente'naza kemo'a fuotgigahie). <sup>36</sup>Nenfa'a nazeri ruotge huteno, hunantege'na ama mopafi e'nogu, tamagra Anumzamofa huhaviza hunentane huta Nagrikura nehaze, na'ankure Nagra hu'na Anumzamofa mofavre huazankuro? <sup>37</sup>Nagrama Nenfa eri'zama e'norisuana, tamagra Nagritera tamentintia osiho. <sup>38</sup>Hianagi Nagra eri'zama'a e'nerugetagi, tamagra tamentintia Nagrikura nosaze, eri'zama eruazante negetma tamentinti hiho, e'inama hanuta keta antahita hanazana, Nagra Nenfampi manugeno, Nenfa'a Nagripi mani'ne hugahaze. <sup>39</sup>Mago'ene azerinaku nehzageno, zamatreno rufanene hu'ne. <sup>40</sup>Jisasi'a eteno Jodani ti takaheno Joni mono ti ese'ma frezmante'nea kaziga vuno, anantega umani'ne. <sup>41</sup>Hakare vahe'mo'za mani'nerega uhnati'za amanage hu'naze, Joni'a mago avame'za osu'ne, ana hu'neanagi Joni'ma ama ne'ku'ma maka kema hu'neana tamage hu'ne. <sup>42</sup>Ana hige'za, anante rama'a vahe'mo'za Jisasinte zamentinti hu'naze.

### Lasarusi fri'zamofa naneke

**11** <sup>1</sup>Mago nera Lasarusi'e nehza ne'mo kri eri'ne. Agra Betaniti'e, Maria ene nenunkna Matake nemni'a kumate nere. <sup>2</sup>Maria Ramofa manantake masavenu agare frenteteno, anu azokateti ana aga eri ho'mu hu'nea a'mofo nesaro kria eri'ne. <sup>3</sup>Ana nanunkna'moke Jisasintega kea atrenteke, anage hu'na'e, Ramoka antahio, Kagrama avesima nentamo'a kri eri'ne. <sup>4</sup>Higeno Jisasi'a ana ke nentahino, anage hu'ne, Ana krimo'a fri kantera avreno ovugahie, na'ankure Anumzamofa ra agi ami'nigeno, ana zantetira Anumzamofa Mofavremo ra agi erigahie. <sup>5</sup>Jisasi'a Matane nenunknane, Lasarusine avesizamante'ne. <sup>6</sup>Lasarusi kri eri'ne nanekema hzageno nentahino'a, tare zge'gna anama mani'nea kumate mani'ne. <sup>7</sup>Ana huteno amage'nentaza disaipol nagaku huno, Judia kaziga ete vanu'ne huno zamasmine. <sup>8</sup>Amage' nentaza disaipol nagamo'za anage hu'za asmi'naze, Hurami ne'moke (Rabbi), Jiu kva vahe'mo'za mensitfama have knonu kahenaku nehzarega, Kagra ete vu'za nehano? <sup>9</sup>Jisasi'a kenona zamire anage hu'ne, 12fu'a kna (aua) mago zgefina omne'nefi? Mago vahe'mo'ma zge ferupima vanuno'a agra traka osugahie, na'ankure ama mopafi msa agra nege. <sup>10</sup>Hu'neanagi mago'mo hanimpima vanuno'a ome traka hugahie, na'ankure msa agripina omne'ne. <sup>11</sup>Anagama huteno, mago'ene Jisasi'a anage hu'ne, ronetimo Lasarusi'a avu mse'ne, hianagi menina Nagra ome azeri otigahue.

12 Amage nentaza disaipol nagamo'za anage hu'naze, Ramoka, agra avu'ma mse'nesuno'a, knare hugahie. 13 Jisasi'ma hu'neana, Lasarus ko fri'nea zanku hu'neanagi, zamagrama antahizana amne avu mse'zanku nehie hu'za antahi'naze. 14 Jisasi'a anante huama huno zamasmine, Lasarusi'a ko fri'ne, 15 Tamagri tamaza hanigu Nagra muse nehu'na, ana kumatera omni'noe, e'ina hanigeta tamagra tamentinti hugahaze. Hianagi erinketa agritega vamneno. 16 E'ina hianagi Tomasi (Didimasi'e hu'neana kugavezare) nehaza ne'mo, magoka Jisasi amage nentaza disaipol nagaku huno, tagranena erinketa vuta Agrane ufri'maneno hu'ne.

### Matane, Maria kizni Jisasi'a ke huznami'nea naneke

17 Jisasi ana kumate uhnatino, ome antahiana Lasarusina ko kerifi asentageno, 4'a zgegna evu'ne. 18 Betani kumara Jerusale tva'onte 3 kilo mitanaza me'ne. 19 Rama'a Jiu vahe'mo'za e'za Matane Maria kiznia, neznasaro fri'negeza e'za zname rentinti hu'naze. 20 Jisasi ne-e hia kema Matama nentahino, kantega ome kenaku vu'ne. Hianagi Maria'a nomp mani'ne. 21 Mata'a, Jisasina ome keno anage huno asmi'ne, Ramoka, Kagrama amafima mani'nantesina, nensaro Lasarusi'a ofrisine. 22 Hianagi meninena nagra antahi'noe, na'anku'ma Anumzamof antahige'sankeno'a, Anumzamo'a anzana kmigahie. 23 Jisasi'a kenona huno asmi'ne, negsaro Lasarusi'a ete otino asimu erigahie. 24 Mata'a amanage huno Jisasina asmi'ne, nagra antahi'noe, henkama otisaza zupa vgare knarera, agra otino asimu erigahie. 25 Jisasi'a amanage huno Matana asmi'ne, Fripinti otino asimu erino mani'zamof agafa'a Nagra mani'noe, iza'o Nagrite'ma amentinti hanimo'a, frigahianagi asimu erino manigahie. 26 Maka vahe'mo'za mani'neza Nagrite zamentinti hanazana, ofri'tfa hugahaze. Amama nehua kegura kagra kmentintia nehampi? 27 Mata'a anage huno asmi'ne, izo Ramoka, nagra namentinti hue, Kagra Kraisige, Anumzamof mofavre'moka Kagra ama mopafi erami'nane.

28 Mata'a anage huteno, vuno nenunkna Mariana sumi huno agesafi asmi'ne, Hurami ne'mo ne-eno kagriku ke nehie, huno asmi'geno, 29 ana kema nentahino'a, ame' huno Jisasinte vu'ne. 30 Jisasi'a ana kumapina uofreno, kantega Matama omegene'ne mani'negeno, Maria'a emege'ne. 31 Anante Jiu vahe'mo'za Maria'ene nomp ame rentinti hu'za mani'nareti, kageno'ma agra ame' huno otino megia' vige'za, zamagra amage nevu'za, keriare zvi ome ate'naku nevie hu'za antahi'naze. 32 E'ina higeno, Maria'a Jisasi mani'nere eno eme negeno, agiafi emaseno, anage huno asmi'ne, Ramoka Kagrama amafi mani'nantesina, nensaro Lasarusi'a ofrisine. 33 Jisasima kegeno zavi'ma netegeno'a, ana a'ene e'naza Jiu vahe'mo'zane zvi atageno, Jisasi'a nezmageno avamupina tusi'za huno rimpamo'a kna nehigeno, 34 Jisasi'a zamantahigeno, inantega ana nera asente'naze? Zamagra kenona hu'za Agrira asmi'naze, Ramoka enka emego. 35 Jisasi'a

zvi' ate'ne. <sup>36</sup>Zamasuma ragiku'ma e'naza Jiu vahe'mo'za anage hu'naze, Keho agrira tusi'za huno avesinte'ne! <sup>37</sup>Hianagi mago'amo'za anage hu'naze, ama ne'mo avu suhu ne' eri hari hunte'neankino, Agra Lasarusina mago'a zana huntogeno ofrino manisimpi?

**Lasarusina kerifinti Jisasi'a azeri oti'nea naneke**

<sup>38</sup>Anante Jisasi mago'ene, rimpamo'a kna nehigeno ana ne'mofo kerire uhanati'ne. Havega me'nege'za ufreakantera have eri'za runkani re'naze. <sup>39</sup>Jisasi'a hunoana have rezahe hutreho, higeno fri'nea ne'mofo nesaro Mata anage huno asmi'ne, Ramoka, menina kno hi'mana vugahie, na'ankure 4'a zgegna ko mani'ne. <sup>40</sup>Jisasi'a anage huno ana ara asmi'ne, Ko kasmioe, kagrama kmentinti hnunka Anumzamofa hankve'a (glori) kegahane hu'na kasmiofi? <sup>41</sup>Nentahi'za ana have rezahe hutre'naze. Anante Jisasi'a kesga hunagamuteno, anage hu'ne, Nenfaga, Nagra muse hugantoe, Kagra ke'nia antahi namine. <sup>42</sup>Nagra antahioe, hakare zupa keni'a nentahine, hianagi kema nehuana ama oti'za mani'naza vaheku hu'na Nagra nehue, Kagra hunantake'na e'noe hu'za zamagra zamentinti hanagu nehue. <sup>43</sup>Jisasi'a anagama huteno'a, kezatino Lasarusiga, atiraminka eno! <sup>44</sup>Higeno fri'nea ne'mo atiramino e'ne, agiane, azanena, tavrave nofi'nu ana'neki'za, avugosa tavravenu anovazinageno Jisasi'a zamasmio, Tavarave'a vakneta eri atrenkeno vino.

**Jiu kva vahe'mo'za Jisasi ahenaku hu'naza naneke**

*(Mat 26:1-5, Mak 14:1-2, Luk 22:1-2)*

<sup>45</sup>E'ina hige'za, rama'a Jiu vahe Maria'ene e'namo'za, Jisasi'ma hiaza nege'za, Agrite zamentinti hu'naze. <sup>46</sup>Hianagi mago'amo'za vu'za Farisi mono vahete uhnati'za, Jisasi'ma hu'nea zamofa naneke ome zamasmio. <sup>47</sup>E'ina higeno, vugota mono vahe'ene (Sanhedrin), Farisi vahe'mo'za magopi eme atru hu'za anage hu'naze, Na'a menina hugahune? Ama ne'mo'a rama'a kaguvaza nehie. <sup>48</sup>Atresnunkeno anazanke huno Agra vaniana, maka vahe'mo'za Agrite zamentinti hanageno, Romu vahe'mo'za e'za ra mono nontine, mopatinena tarega hanaregahaze. <sup>49</sup>Anante mago'zmimo, Kaiafasi ra mono kva (hai pris) ana kafufina mani'nea ne'mo, anage huno zamasmio, tamagra mago'za antahintahitamifina nontahize. <sup>50</sup>Na'a hanigeno maka kumatine, mopatia eri havizana hugahie? Atrenkeno magoke'mo miko vahekura frisnie. <sup>51</sup>Kazafasi'a agra antahizampinti ama kea osu'ne, hianagi ana kafufina ran mono kva (hai pris) mani'neo, kasnampa ke huno Jisasi'ma frino maka Jiu vahe zamaza hania zanku hu'ne, <sup>52</sup>Nehuno Jiu kuma vaheke Agra zamaza osugahie, e'inama hanuno'a hazagre'za vu'za e'za hu'naza vahera zamazeri mago hanige'za Anumzamofa mofavre manigahaze. <sup>53</sup>E'i ana knareti erigafa hu'za, Jisasi ahe frisaza ke retro hu'naze.

<sup>54</sup>E'inama hazazanku Jisasi'a mago'ene Jiu vahe zamurera kana onte'ne. Hianagi atreno vuno mago ka'ma kokampi me'nea rankuma kaziga Efraimie nehazarega amage' nentaza naga'ane umani'naze.

<sup>55</sup>Menina Anumzamo Jiu vahe kinafinti zamare'nea knare (Pasova) ne'za ne kna atupa nehige'za, rama'amo'za kuma'zmi atre'za Jerusale mreri'za, ne'za nesagu zamagrazmi zmazeri agru huza retro hu'naze. <sup>56</sup>Ana nehu'za ra mono nomofo (tempol) kumapi oti'za mani'neza Jisasinku nehakre'za, zamagra zamagra anage hunaze. Na'ane hutma tamage'sa nentahize? Agra ama (Pasova) nezantera egahifi, omegahie? <sup>57</sup>Vugota hu'naza prisi vahe'ene, Farisi vahe'mo'za, anage hu'za rama'a vahepi hu'naze, iza'o Jisasima kesimo'a, eme tasamisigeta tagra azerisune hu'naze.

**Maria'a, Jisasi agiare masave frente'nea naneke**

*(Mat 26:6-13, Mak 14:3-9)*

**12** <sup>1</sup>Kinafinti Jiu vahe zamare'nea kna (Pasova) Gsi'a zgegna atupa nehigeno, fri'nefinti azeri oti'nea ne' Lasarusi'ma nemnia kumate Jisasi'a Betani uhanati'ne. <sup>2</sup>Anante Jisasima hu'nea nezana retro hunte'naze. Mata'a ne'za netigeno Lasarusi'ene, mago'a vahe'ene kave'ne sipare mani'naze. <sup>3</sup>Trazamofu rafu'nareti tro hu'naza msavena, zgo'amo mreri'nea masaventafe Maria'a erino, Jisasina agiare tagino frenteteno, anu azokateti eri ho'mu huntegeno, ana nomofona mana'amo avite'ne. <sup>4</sup>Hianagi Judas Iskariot, mago amage nentea disaipol ne'mo, komoru huno Jisasina avreno ha' vahe zamazampi antesimo anage hu'ne, <sup>5</sup>na'a hanigeta ama msavena 3 hantreti'a silva zgorera atreta, zgo erita<sup>i</sup> zamunte omne vahera zamaza osugahunu? <sup>6</sup>Menima Judas Iskariotima ama kema nehiana, na'ankure agra zamunte omne vahe zamaza hunaku nentahino nosie, hagi agra kumza nere. Zgo tafente kva nehia nekino, ome nentazana osi'a anampinkati musufa eritere nehia ne'mo anage higeno, <sup>7</sup>Jisasi'a anage hu'ne, Asenante'saza knagu avega ante'nea zanki, atrenkeno agra ana hino. <sup>8</sup>Na'ankure zamunte omne vahe'mo'za maka kna tamagra ne manigahaze, hianagi Nagra, tamagra nena maka kna omnigahue. <sup>9</sup>Maka Jiu vahe'mo'za antahizana Jisasi emani'ne hige'za, zamagra Jisasinke kenaku ome'nazanki, Lasarusima, fri'nefinti azeri oti'nea ne' kenaku e'naze. <sup>10</sup>Ana nehu'za vugota prisi vahe'mo'za Lasarusi'ne ahe frinaku ke anaki'naze. <sup>11</sup>Na'ankure Lasarusinte'ma fore hu'nea'zanku, rama'a Jiu vahe'mo'za atre'za nevu'za Jisasinte zamentinti hu'naze.

**Jisasima Jerusalem ufre'nea naneke**

*(Mat 21:1-11, Mak 11:1-11, Luk 19:28-40)*

<sup>12</sup>Anante nanterana rama'a vahe'mo'za, kinafinti zamare'nea knagu antahimiza ne'za (Pasova) nenaza knare e'namo'za, Jisasi'a Jerusale ne-ea

<sup>i</sup> 11 ni'a ikamofo mizan kna hu'ne.

ke antahi'naze. <sup>13</sup>Antahite'za tofe zafamofo ani'na hantagi'za e'neri'za, ome ke'za amrara nehu'za kezati'za, *Tza huogu ke'za netune! (Hosana!) Ramofo Agifi ne-ea nera agi'a hentesga hanune! Israeli vahemofokinia agi'a hentesga hanune!* <sup>14</sup>Jisasi'a mago agaho ve tonki afu keteno, agumpi mrerino mani'ne, kasnampa vahe'mo'za korapa krente'naza kemo efore hu'ne. <sup>15</sup>*Korera osiho Saion veara, Keho tmagri Kinimo, agaho ve donki afumofogumpi manino ne-e.* (Zek 9:9) <sup>16</sup>Agri amage nentaza disaipol naga'mo'za e'inama pusante hiazana antahi so'e osu'naze. Hianagi Jisasi'ma hanave'afi mrerino, Ra agi erige'za zamagra zamagesa nentahi'za, e'i Agriku huno avontafepina krente'negenogeno, amazana Agrite fore hie hu'naze. <sup>17</sup>Ana higeno, rama'a vahe'mo'za, Jisasi'a kerifinti Lasarusi azeri otige'za ke'naza vahe'mo'za, mago'ene ome huama hume vu'naze. <sup>18</sup>Ama'na agafare, vahe'mo'za anahu kna hu'za ome Agrira ke'naze. Na'ankure vahe'mo'za nosaza kaguvaza (mirakol) hu'nea ke nentahi'za ome ke'naze. <sup>19</sup>Ana hige'za Farisi vahe'mo'za ohumi ahumi hu'za zamagra anage hu'naze, keho tagrira neratre'za maka vea'mo'za Jisasi amage avriri'za nevze.

#### Griki vahe'mo'za Jisasi kenaku hakre'naza naneke

<sup>20</sup>Ana zupage Griki vahepinti mago'a vahe'mo'za, kinafinti zamare'nea ne'za ne'knare mono hunaku mreri'naze. <sup>21</sup>Ana vahe'mo'za Galili kazigati Betsaida kumateti ne' Filipinte uhaniti'za antahige'za, ramoka Jisasi kenaku nehune. <sup>22</sup>Filipi'a eno Andruna eme asmitege'ne, tarega'moke vu'ke, Jisasina ome asmi'na'e. <sup>23</sup>Jisasi'a anage huno kenona zani'arera hu'ne, Vahe'mofo Mofavremo ra agi erisia kna atupa nehie. <sup>24</sup>Tamage hu'na neramasmue, witi rgamo'ma mopafi taniramino ofrisigeno'a anante megahie. Hianagi taniramino mopa agu'afi frisigeno'a rama'a rga'a rentegahie. <sup>25</sup>Aza'o agragu'ma avesi antesimo'a, mani'zama'a eri haviza hugahie. Iza'o ama mopafi mani'zama'a ha'rentesimo'a, manivava asimu erigahie. <sup>26</sup>Iza'o, Nagri eri'za erinaku hanimo'a, namage eno, Nagrama umnisure, eri'za vahe nimo'enena anante umanigahie, iza'o, Nagri eri'za erisimofona, Nenfa'a ra agi amigahie.

#### Jisasi'a frisia ke zamasmineane naneke

<sup>27</sup>Menina Nagu namemo kna navenesiarki, na'ane hu'na Nagra hugahue, Nafa'nimoka, ama knare (aua) fore hania knazampinti naza huo, hianagi ama'na agafare ama knarera (aua) e'noe. <sup>28</sup>Nafa'nimoka, ra kagi erio. Anante mago ageru monafinti eno amanage hu'ne, hago Nagra erisaga hu'noanki'na, rune Nagra erisaga hugahue hu'ne. <sup>29</sup>Rama'a vahe'ma atru hu'za anante oti'namo'za, ana ageru nentahi'za, monage nehie nehzageno, mago'amo'za ankeromo naneke hu nemigahie hu'za hu'naze. <sup>30</sup>Jisasi kenona'a anage hu'ne, ama'na agerura Nagri naza

hunakura nosianki, tmagri tmaza hunaku nehie. <sup>31</sup>Menina ama mopa refkohu knae, menina ama mopafi kva hu'nea nera retufe atregahie. <sup>32</sup>Hanki, Nagri'ma mopafinti nazeri'sga hanige'na, hakare vahera zamare Nagrarega atregahue, <sup>33</sup>E'inagemama hu'neana, fri'zamo avate'ma fore hanigeno frisnigu huama hu'ne. <sup>34</sup>Hakare vahema atru hu'namo'za, Agrikura amanage hu'naze, tagrama kasegefinti antahi'nonana, Kraisi'a manivava hugahie hu'neanki, nahigenka Kagra hunka, Vahe'mofo Mofavre azeri sga hugahie nehane? Iza'e ana Vahe'mofo Mofavre'a? <sup>35</sup>Jisasi'a kenona anage huno zamasmine, Osi'a knafi Msamo'a tmagri amu nompina me'ne. Msama me'nenire kana nentenkeno hanimo'a tmagate oreno, iza'o hanimpima nevimo'a, iga nevio antahino keno nosie. <sup>36</sup>Msama me'nenire, kagra Msagura kmentinti'a huo, e'inama hanunka kagra Msamofo mofavre manigahane. Jisasi'a anage huteno, Agra zamatreno vuno ome frakino mani'ne.

#### Jisasi'a vahepi eri'za eri'nea zamo fore hu'nea naneke

<sup>37</sup>Jisasi'a rama'a kaguvaza (mirakol) huzmeri hu'neanagi, zamagra zamentintia Agritera osu'naze. <sup>38</sup>Ana higeno kasnampa ne'mo Aisaia hu'nea kemofa avufa'a fore nehie, ***Ramoka iza tagri kerera amentintia nehie? Ramofo hanave'amo'a izante eama hu'ne?*** (Aisa 53:1) <sup>39</sup>E'i ana agafare vahe'mo'za zamentinti osugahaze, Aisaia'a mago ene anage hu'ne, <sup>40</sup>***Ramo zamurga erisu nehuno, zamarimpa kafana erigi'ne, e'ina hanige'za zamurga nonke'za, zamarimpa erigisige'za zamagu zamagesa antahi ama nosuza, zamagu'a rukrehe osnaga'na, zmazeri so'e osugahue hu'ne.*** (Aisa 6:10)

<sup>41</sup>Ama'i zanku'ma Aisaia'ma hu'neana, na'ankure Jisasi'a hanave'afi mani'negeno ke'negu huno, Agriku hu'ne.

<sup>42</sup>Ana hianagi hakare'a mono kva vahe'mo'za zamentinti Agrite hu'naze. Hianagi Farisi vaheku kore hu'za Jisasi'a, Kraisi'e hu'za huama osu'naze, anagemama hanage'za mono nompinti (Sinagog) zamahe fegi atre'zanku kore hu'za osu'naze, <sup>43</sup>Na'ankure vahe'mo'za husga huzmante zanku nehu'za, Anumzamo husga huzmante zankura ontahi'naze.

#### Jisasi'a vgare naneke'a vahe zamufi hu'nea naneke

<sup>44</sup>Jisasi'a ranke huno amanage hu'ne, iza'o Nagrite amentinti hanimo'a, Nagritekera amentinti osugahianki, Agrama hunantege'na e'nomofonte amentinti hugahie. <sup>45</sup>Iza'o Nagri'ma nenagemo'a, hunantege'na e'nomofone nege. <sup>46</sup>Nagra ama mopafi Msa e'noe, maka vahe'mo'za Nagrite zamentinti hanamo'za hanimpina omnigahaze. <sup>47</sup>Iza'o nanekenia nentahino, namage nome simofona kea huontegahue, na'ankure Nagra ama mopafi vahe refko hunaku ome'noe, hianagi mopafi vahe zamaza hu'na zamavrenaku e'noe. <sup>48</sup>Iza'o Nagri nenatreto, ke'nia



ontahisimofona, e'i anamofona refko'ma haniana, ama nanekema nehua nanekemo maka'za vgare knare, henka'a refko huntegahie. <sup>49</sup>Na'ankure Nagrani'a antahintahifinti ama nanekea nosue, hianagi Nfanimo Agra hunantege'na e'nomo, zamasmio hianke ana naneke'age nehue. <sup>50</sup>Nagra antahi'noe, e'i Agri kasege'a manivava asimure, e'ina hu'negu Nagrama nehua kea Nenfa'ma huoma hia ke'age nehue.

**Amage'ma nentaza disaipol naga Jisasi'a zamaga sese hu'nea naneke**

**13** <sup>1</sup>Menina kinafinti zamare'nea knagu antahimiza (Pasova) ne'za nekna atupa higeno, Jisasi'a antahi'ne, ama mopa atreno Nefantega vnia kna egeno, amage nentaza disaipol nagara, Agrama zamesi nezmantea zamo'a atupare ehnati'ne.

<sup>2</sup>Jisasi'a amage' nentaza disaipol naga'ane ne'za nenegeno, Hankromo (Sata) Judas Iskariot, Saimon nemofo rimpafi ha' vahe zamazampi komoru huno avrentesia antahi'zana eme ante'ne. <sup>3</sup>Jisasi'a antahi'ne, Nefa'a maka'zana Agri azampi ante'ne, Anumzamofonteti e'neankino, ete Anumzamofonte vugahie. <sup>4</sup>Ne'za nenafinti otino, anakre ku'a zafi nenteno, tauri erino afafafi rugagino anakine. <sup>5</sup>Anante Jisasi'a zompafi ti taginteno, amage nentaza disaipol naga zamaga agafa huno sese huteno, afafafi rugagi'nea taurinu zamagia eriho'mu huzmante'ne. <sup>6</sup>Anante Saimon Pitante aga sese hunte'naku egeno, agra Jisasinku anage hu'ne, Ramoka nagia sese hugahano? <sup>7</sup>Jisasi'a kenona anage huno asmi'ne, menima ama nehuazana kagra ontahi'nane, hianagi henka'a antahi ama hugahane. <sup>8</sup>Pita'a anage huno Jisasina asmi'ne, Kagra nagia sese osu'tfa hugahane! Jisasi anage huno kenona'a hu'ne, Nagra kagiama sese osnugenka, Ngranena omnigahane. <sup>9</sup>Saimon Pita'a anage huno Jisasina asmi'ne, Ramoka nagiarfana sesera osuo, hianagi anazanke hunka nazane, nanune sese huo! <sup>10</sup>Jisasi'a anage huno asmi'ne, iza'o ko'ma tima fre'nemo'a, agiage sese hugahie, e'ina nehuno avu sese huno mani'gahie. Hanki kagra ko avu sese hu'nane, hianagi ana maka'mota avu sese osu'naze. <sup>11</sup>Na'ankure mago'mo komoru huno ha' vahe zamazampima avrentesimofona, Agra ko antahi'ne, e'ina hu'nea agafare, tamagra maka'mota avu sese osu'naze hu'ne.

<sup>12</sup>Anage huteno Jisasi'a zamagia sese huvga rezmantete'no, Nakre ku'a erino mani'neno hu'nere umniteno, Jisasi'a anage huno zamsmi'ne, amazama tmagri'ma hunermantoana antahi'nazo? <sup>13</sup>Tamagra Nagrikura rempi hurami Ne'ene, Rantie nehazana, tamagra tamage nehaze, Nagra ana nere. <sup>14</sup>Nagrama Rantimi manina, hurmasmi Ne'mona tmagia sese hunermantesugeta, tamagra nena anazanke huta rumokizmi zamagia, sese ohunte ahunte hiho. <sup>15</sup>Nagra hurmeri nehuanki, tamagranena anahu kna hutma rumokizmi'a zamagia sese huzmantegahaze. <sup>16</sup>Tamage hu'na Nagra nermasmue, kazokzo eri'za vahe'mo'a kva'amofona agateoregahie.

Kema erino vnimo'a, katogema huntogeno vu'nemofona agateore'ne.  
 17 Tamagrama amazama keta antahita nehuta, anazama hanutma asomu erigahaze.

**Jisasima komoru hu'za ahesaza naneke**  
 (Mat 26:20-25, Mak 14:17-21, Luk 22:21-23)

18 Makamotagura nosue, Nagra huhampri'noa vahera antahi'noe. Hianagi Anumzamofu avontafepe kre'nea nanekea eri knare hugahie. *Nagrane brete nenemo ha' renantegahie huno kre'neana, hago avufga'a fore hugahie.* (Sam-Zga 41:9) 19 Meninena Nagra anazana efore osu'nege'na nerasmue, anazama efore'ma hanigeta, tamagra tamentinti nehuta, ana nere hutma Nagrikura hugahaze. 20 Tamage hu'na nerasmue, Nagrama huntugenogenu vnia vahe, avrenogenu azeri so'e huntesimo'a, Nagri navrenogenu nazeri so'e hunantegahie. Iza'o Nagri'ma nazeri so'e hanimo'a, Agra hunantegenogenu e'nomofogenu azeri so'e hugahie.

21 Jisasima anage huvgama retenogenu, agu'amo kna nehigenogenu anage hu'ne, Tamage hu'na nerasmue, tamagripinti mago'mo ha' vahe azampina navre antegahie. 22 Amage nentaza disaipol naga'mo'za zamagra zamagra oge age nehu'za, inamogenu anara hunakogenu higenogenu nehie hu'za hu'naze. 23 Amage' nentaza disaipol nagapinti, Jisasi'ma avesigenu nentemogenu, azantmagogenu kazigogenu tvaontegenu manigenu. 24 Ana higenogenu Saimon Pita'a avesimogenu nentegenu disaipol ne'ra avame'ne huno, izankogenu Jisasi'a nehigenu antahigenka kogenu asmigenu. 25 Anante avesimogenu nentegenu ne'mogenu, Jisasi' asumpigenu mase kantitengenu, anage huno Agrira antahigegenu, Ramokogenu ana nera iza'e? 26 Jisasi'a kenonogenu anage hu'ne, bretimogenu sosifimogenu retengenu amisuanogenu e'igenu anegenu nere, nehunogenu bretigenu sosifigenu retenogenu, Saimon Iskariotigenu nemofogenu Judasigenu amigenu. 27 Ana bretimogenu netegenogenu, Sata'a havigenu avamumofogenu kvamogenu agu'afigenu ufregenu. E'ina nehigenogenu Jisasi' anage huno asmigenu, ina knazamogenu hunakogenu ma hnunkogenu, kvunegenu antenkogenu huogenu. 28 Manigenu ne'zagenu ne'nazogenu vahe'mo'zagenu, anamogenu Judasinkogenu ma hia kea na'a agafare hu'nefi, antahigenu amara osu'naze. 29 Judasigenu zogenu taferotegenu (bogisigenu) kvagenu nehigenu nekigenu'za, mago'amo'zagenu antahizana mago'a upamogenu hunonogenu ne'zagenu ome mizogenu segegenu, amunte omnegenu vahe, zogenu ome zaminogenu Jisasi'a hunentegenu hu'zagenu zamagesagenu antahigenu naze. 30 Ana higenogenu, Judasigenu bretimogenu nehana nehunogenu'a, atiramiginogenu megigenu vu'ne. (Kogenu hani hu'negenu anagenu hu'ne.)

**Kasefa tvumro tante'nea naneke**  
 (Mat 26:31-35, Mak 14:27-31, Luk 22:31-34)

31 Judasigenu ma megigenu vutegenu'genogenu, Jisasi' anage hu'ne, menigenu Vahemofogenu Mofavremogenu ra agigenu erisigenogenu, Anumzamogenu'a ra agigenu Agritetigenu erigenu'nia kna nee. 32 Anumzamogenu ra agigenu Agritetigenu eritesunogenu'a, anazankogenu hunogenu Anumzamogenu ra agigenu Agrira amigahie, nehunogenu hantakogenu'a ra agigenu amigahie. 33 Mofavregenu

zgamota antahiho, Nagra osi'a knafi tamagra nena manigahue. Tamagra Nagrikura hakregahaze, Jiu mono kva vahera ananke ko zamasm'noe. Meninena ana kege nermasmue, Nagrama inantega vnurega tamagra omegahaze. <sup>34</sup>Nagra kasefa kasege tamagrira neramue, Nagrama navesi neramantoa kna huta rumokizmia zmesinezmanteta, anahu kna hutma ovesinte avesinte hiho. <sup>35</sup>Tamagrama mago'mofo ovesinte avesinte nehnage'za, maka vahe'mo'za nege'za, tamagra Nagri namage nentaza disaipol naga mani'naze hu'za hugahaze.

<sup>36</sup>Saimon Pita'a anage huno Jisasinku hu'ne, Ramoka, kagra iga vunaku nehane higeno? Jisasi'a ana kenona'a huno, Nagrama vanurega, menina kagra navaririnka omegahane, hianagi kagra henka egahane. <sup>37</sup>Pita'a anage Jisasinku hu'ne, Ramoke, na'a hanige'na nagra menina Kagri kmagera omegahue? Nagra Kagriteku hu'na frinaku menina tro nehue. <sup>38</sup>Jisasi'a kenona'a anage huno asmi'ne, Nagriku hunka frigahano? Tamage hu'na negasmue, Nagrikura onke'noe hunka 3'a zupa vahane hutesankeno, henka kokorega hugahie.

**Jisasi'a vgare naneke amage nentaza disaipol naga zamasm'nea naneke**

**14** <sup>1</sup>Atrenkeno tmagu'amo'a kna osino, Anumzamofonte tamentinti nehuta, anahu kna huta Nagrite'ene tamentinti hiho. <sup>2</sup>Nenfa nompina rama'a hunaraginte nona me'ne, omne'neresina Nagra ko tamasmusine, Nagra, nonkuma tmia ome retro hunaku nevue. <sup>3</sup>Nagrama vu'na nonkuma tmi ome retro hutesu'na, ete e'na eme tmaresugeta, Nagrama umnisure, tamagra Negrane umani'gahaze. <sup>4</sup>Hagi Nagra inantega vugahuo, tamagra antahi'naze. <sup>5</sup>Tomasi'a anage huno Jisasi asmi'ne, Ramoke tagra ontahi'none, iga Kagra vugahane, tagra inankna huta ana kana kegahune? <sup>6</sup>Jisasi'a anage huno asmi'ne, Nagra kana mani'na, tamage ke manina, asimumofo agafa Nagra mani'noe, mago'mo'a aru kantetira Nenfatera ovugahie. A'o, Nagriteti vugahie. <sup>7</sup>Nagri'ma nagenka nantahinka kagra hantesina, Nenfana anahu kna hunka kenka antahinka kagra hantesine, meni agafa hunka Agrira nentahinka negane. <sup>8</sup>Filipi'a anage huno Agri asmi'ne, Ramoke Negfana tveri hugeno tagrira knare huranteno. <sup>9</sup>Jisasi'a anage huno asmi'ne, Nagra kagranena rama'a kna mani'noanki, kagra nahigenka Nagrira onage'nane? Iza'o Nagri'ma nagemo'a, Nenfana ke'ne! Nahigenka kagra hunka, Negfana naveri huo hunka nehane? <sup>10</sup>Nenfampi Nagra manugeno, Nenfa'a Nagripi mani'ne hua kegura, nahigenka kmentintia nosane? Nagra nagesafinti kea kagrira nonkasmue, hianagi Nenfa'a nagu'afi mani'nemo, Agra kaguvaza hu eri'za e'nerie. <sup>11</sup>Tamentintima hanazana, Nagra Nenfampi manugeno, Nenfa'a Nagripi mani'ne hiho, hu'neanagi ana'ma osnutma kaguvazama eri forehu eri'zama eri'nogu nentahitma tamentinti hugahaze.

<sup>12</sup>Tamage hu'na Nagra nerasmue, iza'o Nagrite amentinti hanimo'a, Nagrama e'nerua eri'zana anahu kna huno kaguvazama eri forehu eri'za

e'nerino, Nagatereno ra eri'za erigahie, na'ankure Nagra Nenfantega vugahue. <sup>13</sup>Inankna zanku'ma Nagri nagifi nantahigesazana, Nagra amne hugahue. Nefa'a ra agi Nemofompinti erigahie. <sup>14</sup>Tamagrama inankna zankuro Nagri nagifima nantahi kesage'na, Nagra anazana amne hugahue.

**Jisasi'a Avamumofu eri'zanku rempi huzami'nea naneke**

<sup>15</sup>Nagri'ma navesinantesuta kasegeni'a amage antegahaze. <sup>16</sup>Nenfana antahigesugeno, Agra mago tmaza hu'zana tamisnigeno, Agra tamagra ne manivava hugahie. <sup>17</sup>E'i ana tmaza hu'zana tamage Routge Avamure, ama mopafi vahe'mo'za e'origahaze, na'ankure zamagra ke'za antahi'za osu'naze. Hianagi tamagra Agrira (Avamura) antahi'naze, na'ankure Agra tamagra ne mani'neni, tmagu'afi manigahie.

<sup>18</sup>Nagra tmatresugetma megusa mofavregna huta omnigahaze, Nagra tmagrite egahue. <sup>19</sup>Osi'a knafi mopafi vahe'mo'za Nagrira onagegahaze, hianagi tamagra Nagrira nagegahaze. Na'ankure Nagra mani'noankita, tamagra nena anahu kna huta manigahaze. <sup>20</sup>E'i ana knazupa, tamagra antahigahaze Nagra Nenfana agu'afi mnugeta, tamagra Nagri nagu'afi manisagena, Nagra tmagri tmagu'afi manigahue. <sup>21</sup>Iza'o Nagri kasegema amage antesimo'a, Nagrira avesinantegahie, iza'o Nagri'ma avesinantenimofona Nenf'a agrira avesintegahie, hnige'na Nagra avesintena, Nagra'ni'a agrite efore hugahue. <sup>22</sup>Ru Judasi amanage huno Ramofona antahige'ne, nankna hunka Kagra tagrite eama nehunka, ama mopafi vahetera eamara osugahane? <sup>23</sup>Jisasi'a ana kenona'a anage huno zamasm'i'ne, iza'o Nagri'ma avesi nantesimo'a, ke'nia amage antesigeno, Nenf'a avesintena tagra, agrane emanigahune. <sup>24</sup>Iza'o Nagri'ma avesi onantesimo'a, Nagri kea amage ontegahie. Ama kema nentahizana Nagri kea omne'ne, hianagi Nenf'a'ma hunantege'na e'nomofu ke nontahize.

<sup>25</sup>Ama zantminku Nagra nehuana, tamagra ne mani'nena nehue. <sup>26</sup>Hianagi tmaza hu'zana, Ruotge Avamu, Nenf'a Nagri nagifi huntisigeno eno, Agra maka'zanku eme rempi huramigahie. Nagrama maka'zanku tmasmi'noana hurmagesa hugahie.

<sup>27</sup>Tamarimpa fru Nagra tamagripi nentoe, Nagra narimpa frua tamagri neramue, ama mopafi vahe'mo'za nermizankna tamarimpa frua Nagra noramue. Atrenkeno tamaguamo'a kna nosina korora osiho. <sup>28</sup>tamagra nentahizage'na Nagra tmagrira tmasmi'na, tmatre'na vute'na, ete tmagrite egahue hu'noe. Tamagrama Nagri navesinantesuta muse hugahaze, na'ankure Nagra Nenfantega vugahue, Nagrira Nenf'a nagtereno Ra mani'ne. <sup>29</sup>Nagra menina fore osu'negena neramasmue, fore'ma hania zupa, tamagra Nagrite tamentinti hugahaze. <sup>30</sup>Nagra za'zatera nanekea ontasmigahue, ama mopa kva nehia ne' Sata'a hago ne-e, agrira hanave'a omne'neankino, Nagrira nagateoregahie. <sup>31</sup>Hianagi ama mopafi

vahe'mo'a antahino keno hugahie, Nagra Nenfana navesinentoe, Nagra Nenfama huo hunoma humanante'neaza nehuanki, otinketa amafintira vamneno.

**Waini zafane, azankuna'amofo naneke**

**15** <sup>1</sup>Nagra tamage waini zafamofo nena'a mani'noe. Nenfama waini hozamofo nefa'e. <sup>2</sup>Hakare azankuna'amo Nagripi me'nenorega reontesimofona, Agra akafri netreno, hakare azankuna'amo rga rentesiana, mago'ene traga huno eri fatgo hanigeno, aguhenorega reontegahie. <sup>3</sup>Tamagra ko agru hu'naze, na'ankure kema tmasmi'noa kemo tmazeri agru hu'ne. <sup>4</sup>Nagri nagu'afi emaninenke'na, Nagra tmagri tmagu'afi mani'nenorega. Zafa azankuna'amo agra avesitera rga'a reontegahie, waini zafare azankuna'amo ru okamre snuno'a rga reontegahie. Hagi Nagrite'ma ruokamare'sutma rga'a reontegahaze. <sup>5</sup>Nagra waini zafa mani'nogeta, tamagra azankuna'a mani'naze. Iza'o Nagripi manige'na agripi mani'nomo'a, rama'a rga renente, Nagri'ma natresuta mago'zana osu'tfa hugahaze. <sup>6</sup>Mago'mo vahe'mo'ma Nagri nagu'afi omnisimofona, azankuna eritru hu'nazageno osaparea kna hina, mate vu'za tevefi kregahaze. <sup>7</sup>Tamagrama, Nagri nagu'afi mani'nenageno, naneke ni'amo tmagri tmagu'afi me'nena, tmesinia zankuma nantahigesazana amne erigahaze. <sup>8</sup>Tamagra rama'a rga renentenkeno, Nenfama ra agi erisige'za nege'za, Nagri namage nentaza disaipol vahere hu'za tamagrikura hugahaze. <sup>9</sup>Nenfama, Nagri'ma navesi nante'neaza hu'na, Nagranena anahu kna hu'na tmesi nermantoanki, ana navesimoforega waini. <sup>10</sup>Tamagrama kasege ni'ama amage' antesuta, tamagra Nagri navesimoforega waini manigahaze, Nagrama, Nenfama kasegema amage ante'na, Agri avesizamoforega waini mani'noankna huta manigahaze. <sup>11</sup>Ama zanku'ma Nagra nermasmuana, Nagri muse zamo tmagri tmagu'afi me'nigeno, musezantmimo'a avitegahie.

<sup>12</sup>Ama'i Nagri kasege, tmararunku ovesinte, avesinte hiho, Nagrama, tmagri'ma navesi tmante'noa kna hiho. <sup>13</sup>Mago'mo'ma rone'agu avesinteno, agra asimuma atreno frisimo'a, tusi'a ugota hu'nea avesiza huzmerigahie. <sup>14</sup>Nagrama neramasmua kasegema amage antesutma Tamagra, Nagri rone manigahaze. <sup>15</sup>Nagra ru'ene kazokzo eri'za vahe'ni'e hu'na tmagrikura osugahue, na'ankure kazokzo eri'za vahe'mo'a kva'amo'ma hiazana ontahi'ne. Hianagi Nagra rone'nimote hu'na tmagrikura nehue, na'ankure Nenfantegati maka'zama Nagrama antahuazana, tmagrira neramasmue. <sup>16</sup>Tamagra, Nagrira huhampri'onante'naze, hianagi Nagra, tmagrira huhampri'antamantena, tmazeri oti'noe, vuta nena rga'a ome rentesageno, ana rgamo me'nena, na'ankuro Nagri nagifi Nenfama antahigesageno'a, Agra amne tmigahie. <sup>17</sup>Nagra ama kasege neramasmue, tmararuna ovesinte avesinte hiho.

### Ama mopafi vahe'mo'za ha' rezmante'saza naneke

<sup>18</sup>Jisasi amanage huno zamasmine, ama mopafi vahe'mo'za ha' remantesaza zanku kva hiho, na'ankure ese agafare, Nagri ha' renante'naze. <sup>19</sup>Ama'na mopafi vahe mani'naresina, ama mopafi vahe'mo'za tagri vahere hu'za zamesi rmantasine, ana hu'neanagi na'ankure tamagra ama mopafi vahera omni'naze. Hianagi Nagra ama mopafinti tmagrira tmavre'noe, ana agafare ama mopafi vahe'mo'za hara reramantegahaze. <sup>20</sup>Ko'ma tmasmi'noa kegu tamagesa antahiho, kazokzo eri'za ne'amo'a, kva vahe'a knara osu'ne. Nagri'ma nazanva ante'nesu'za, tamagri enena anahu kna hu'za tmazanva antegahaze, ke'ni'a amage antenare'sina, tmagri kea ana zanke hu'za antahizasine. <sup>21</sup>Hianagi Nagri nagimo tmagripi me'nenigeno'a, e'ina hu'zana hurmantegahaze, na'ankure hunantege'na e'nomofona ke'za antahi'za osu'nagu ana hurmategahaze. <sup>22</sup>Nagrama naneke e'na eme ozmasmuasina, zamagrira kumi'zmi omne sine. Hianagi menina kumi'zmia eri fraki ka zamia omnegahie. <sup>23</sup>Nagri'ma ha'ma renantesimo'a, ana zanke huno Nenfana ha' renente. <sup>24</sup>Mago'a vahe'mo'za e'orinaza kaguva eri'zama zamagri amu'nompi e'ori'noasinia, kumi'zmia omnesine. Hianagi menina kaguva eri'zani'a kazanagi, Nagri'ene Nenfana ha' renerantaze. <sup>25</sup>Menima anazama nehazana, zamagri kasegefi kre'naza ke eri knare nehaze, *Mago havizana Nagra osunoge'za, hara retenantaze.* (Sam-Zga 69:4) <sup>26</sup>Tmazama hu'zama huntugeno Nenfantegati tmagrite esuno'a, Agra Tmage Avamukino Nagri nagenkea eriamu hugahie. <sup>27</sup>Tamaganena ana zanke hutma Nagri nanekea huama hugahaze, na'ankure tamagra Negrane mani'nage'na, eri'zana eri agafa hu'na eri'noe.

**16** <sup>1</sup>Ru tamentintifinti evuramizanku, ama nanekea menina nerasmue. <sup>2</sup>Jiu vahe mono nompinti (sinagog) tmahe anati atregahaze, mago kna ne-eankino, tmahefrisu'za zamagesa antahisazana Anumzamofu eri'za e'nerune hu'za antahigahaze. <sup>3</sup>E'ina hu'za zamagra hurmantegahaze, na'ankure Nenfane Nagri enena ontahi'nagu anara hurmantegahaze. <sup>4</sup>Hianagi ama zanku Nagra nermasmuankino, ana zgegna (aua) efore'ma hina, Nagrama tmasmi'noa kegu tamagra antahigahaze. Ese agafare Nagra ontmasmi'noe, na'ankure Nagra tamagra ne mani'nohu ontmasmi'noe.

### Ruotge Avamu'mo eri'za erisia naneke

<sup>5</sup>Hianagi menina Agra hunantege'na e'nomofonte, Nagra vunaku nehugeta mago'moka nantahigenka, iga vunaku nehane hunka nantahi nonkane? <sup>6</sup>Hianagi vugahue hu'na Nagrama tamasmua kemo, tamagri tamagu'a erigna nehie. <sup>7</sup>Hianagi Nagra tamage nerasmue, tamagrime eme tamaza hanigu vugahue, na'ankure Nagrama tmatre'na ovanugeno'a,

tmaza hu'zana tmagritera omegahie. Hianagi Nagrama vanuna, huntanena, Agra tamagritega egahie. <sup>8</sup>Hankino Agra esuno'a, mopafi vahe'mokizmi kumi'ene, Anumzamofa fatgo avu'ava zane, henkama refko huno keaga huzmantesiaza zameri nehuno, <sup>9</sup>kumi zamimofonku zamasmigahie. Na'ankure zamagra Nagritera zamentintia osu'naze. <sup>10</sup>Na'ankure fatgo navu'nava hanuana, Nenfantega vanugeta, tamagra Nagrira onagegahaze. <sup>11</sup>Hagi kema refko haniaza eme huramerigahie, na'ankure ama mopa kva hu'nemofona hago keaga hunte'noe.

<sup>12</sup>Nagra mago'a rama'a naneke tamasmusine, hianagi menina tamagra antahise osugahaze. <sup>13</sup>Hianagi Tmage Avamu'ma esuno'a, agu'vazi zamanteno tamage nanekemofa eri ama huno tasmigahie. Na'ankure Agra'a antahintahi'ane, hanave'arera ana nanekea osugahie, hianagi na'ano Agrama antahisia kege nehuno, henkama esia zamofonku tasmigahie. <sup>14</sup>Avamumo'a, Nagri nagi erisaga hugahie, na'ankure Nagripi me'neazana erino tmagrira tasmigahie. <sup>15</sup>Maka'zama Nenfama ante'neana Nagri'zane, e'ina hu'negu, Avamumo'a Nagripinti ana nanekea erino tamagrira tasmigahie.

#### **Musezamo zamarimpa knazamofa kumara erigahie hu'nea naneke**

<sup>16</sup>Osi'a knafi omni'nanena tamagra onagegahaze, hagi ete osia knafi tamagra nagegahaze. <sup>17</sup>Mago'a amage' nentaza disaipol naga'mo'za zamagra zamagra ohumi ahumi nehu'za anage hu'naze, ama'i nankna naneke tasmino, osi'a knafi tamagra onagegahaze nehuno, ete osi'a knafi nagegahaze nehie. Na'ankure Nagra Nenfante vugahue nehie? <sup>18</sup>Amage' nentaza disaipol naga'mo'za anage hu'naze, ama'i na'anku Agra anage huno, osi'a knafine nehie? Tagra ontahi'none, na'anku Agra nehifi ontahi'none hu'za hu'naze. <sup>19</sup>Zamagra antahigenaku Jisasina nehazageno nentahino, anage huno zamasmine, Nagra hu'na, osi'a knafi onageta, ete osi'a knafi nagegahaze hua kegu, tamagra antahintahi hakare nehazo? <sup>20</sup>Tamagerfa hu'na neramasmue. Tamagra tamavunu nehina ranke huta zavira ategahaze, hianagi ama mopafi vahe'mo'za muse hugahaze. Tamagra tamarimpa kna hugahazanagi ete tmarimpa knamo'a eri rukrahe hanigeta, muse hugahaze. <sup>21</sup>A'mo mofavrema nenteno'a atagu nehie, na'ankure mofavrema ksente kna egeno'e, hianagi mofavrema ksente'no'a, ana atagura agha nontahie. Na'ankure ama mopafi mofavrema ksentea muse nehie. <sup>22</sup>E'i ana hu'negu tamagra menina zavira netaze, hianagi Nagra henka nermagesugeno, tamagu'amo muse nehina, mago'mo ana musezana tamagripintira eri otregahie. <sup>23</sup>Ana knarera Nagrira mago'zankura nantahi onkegahaze. Tamagerafa hu'na tamagrira neramasmue, Nenfama mago zanku'ma Nagri nagifima antahigesageno'a, amne tamigahie. <sup>24</sup>Korapara Nagri nagifina mago'zankura nantahi onke'naze. Nantahigetma tamagra erigahaze, e'ina hanageno muse zantmimo'a avitegahie.

<sup>25</sup>Nagra amanage hu'na fronka kefinti neramasmue, mago kna ne-  
eanki'na, ana kna zupa fronka kefintira ontamasmigahue. Hianagi huama  
hu'na Nenfankura tmasmigahue. <sup>26</sup>E'i ana knazupa, Nagri nagifi Nenfana  
antahigegahaze. Nagra tamagri tamagi eri'na, Nenfana asmigahue  
hu'na nosue. <sup>27</sup>Hagi Nenfana tmagrira Agra'a avesinermante, na'ankure  
tamagra Nagrira tamavesinenteta Nagrikura Anumzamofonteti e'ne huta  
tamentinti hu'naze. <sup>28</sup>Nagra Nenfantegati e'na, ama mopafina e'noe,  
hianagi ama mopa ete atre'na Nenfana hirega vugahue.

<sup>29</sup>Agri amage' nentaza disaipol naga'mo'za anage hu'naze, ko menina  
Kagra amate ke huama nehunka, fronka kea osane. <sup>30</sup>Tagra menina  
antahi'none, Kagra maka'zana antahi'nane, mago zankura vahe'mo'a  
kagenoka osugahie. E'ina'ma hanazante tagra tamentinti nehuta,  
Anumzantegati e'nane huta nehune. <sup>31</sup>Jisasi'a kenona huno, Menina  
tamagra tamentinti nehazo? <sup>32</sup>Keho, knamo'a (aua) hago eno ama  
e'ne, mago mago'moka nonkarega nevunka, natresanke'na Nagrake  
manigahue, ana hugahazanagi Nagrakera omnigahue, na'ankure Nenfana  
Nagrane mani'ne. <sup>33</sup>Ama'ina naneke Nagra neramasmuana, Nagripinti  
tamarimpa fru erigahaze. Ama mopafina hazenke zane, kasuzamo  
eghianagi, oti hanavetiho, na'ankure Nagra ama mopa hago agtere'noe.

#### Jisasi'a ra agi aminogu Nefantega nunamu hu'nea naneke

**17** <sup>1</sup>Jisasi ana naneke huvareteno, Agra kesga huno monafi negeno  
amanage hu'ne, Nenfana hago kna (aua) eforehie, Negamofona ra  
agi amigeno, Negamofa anazanke huno, Kagrira rankagi kamino. <sup>2</sup>Maka  
vahete kvahu hihamu ami'nane, ana hankeno maka ami'nana vahera,  
Agra zamaza huno manivava mani'za zamigahie. <sup>3</sup>Ama'i manivava  
mani'zane hu'za, zamagra kage'za antahi'za nehu'za, magoketfa tamage  
Anumzane nehu'za, Jisas Kraisi huntankeno e'ne hugahaze. <sup>4</sup>Nagra ama  
mopafi Kagri kagi eri ra hu'na, Nagri'ma eri'za erio hunka nami'nana  
eri'zana hago eri vgare'noe. <sup>5</sup>Menia Nenfana, Kagra kaziga navrento,  
korapa'ma mopa fore osu'nera mani'neta hu'no'a konariri zampi, Kagrane  
umanisu'e. (Eks-Utr 3:14)

<sup>6</sup>Nagra Kagri kagi kagenkeka'a kokankoka vahe'pinti'ma avare  
nami'nana vahera zamasmu ama hu'noe. Zamagra Kagrira'a vahe, Nagrira  
nami'nane, hagi zamagra keka'a antahi'za amage' ante'naze. <sup>7</sup>Menia maka  
nami'nana zankura, Kagra nami'nane hu'za antahigahaze. <sup>8</sup>Na'ankure  
Kagrama nasmi'nana kea Nagra zamasmu'noe. Zamagra ananke e'neri'za  
Nagrikura tamage Agriteti e'ne nehu'za, Agra huntengeno e'ne hu'za  
zamentinti nehaze.

<sup>9</sup>Nagra, zamagri zamagi' eri'na nunamuna nehue. Nagra kokankoka  
vahe zamagi' eri'na nosue, hagi Nagri'ma nami'nana vahe zamagi' eri'na  
nunamuna nehue, na'ankure zamagra Kagri suza mani'naze. <sup>10</sup>Hagi



maka Nagri vahe'mo'za, Kagri vahere, maka Kagri vahera, Nagri vahere, ana vahe'mo'za Nagrira ra nagi nenamize. <sup>11</sup>Mago'ene Nagra ama mopafina omanigahue, zamagra'zmi ama mopafina manigahaze, hige'na Nagra Kagritega neoe. Ruotge hunana Nenfaga, Kagrama ante nami'nana nagifi zamavu vazi'sankeza, tagrama mago hu'nonankna hu'za zamagra mago hugahaze. <sup>12</sup>Nagra zamagranema mani'nena, Kagri kagire manisnaze hu'na zamagu'vazina kva huzmante'noe. Kagrama nami'namokizmia mago'mo'a fnane osu'ne, hianagi magoke'mofo fanane hinogura huhamprinte'ne, ana hanigeno Anumzamofa avontafe'mo hu'nea kantera avufa'a fore hugahie. (Sam-Zga 41:9) <sup>13</sup>Hu'neanagi Nagra, Kagrite menina ne-e'na, ama mopafina Nagra amanahu kea nehuankino, Nagri muse zamo'a (joy) zamagripi avitegahie. <sup>14</sup>Nagra, Kagri nanekea ko zamasmie'noe, huge'za mopa kagi'afi vahe'mo'za zamesra huzmante'naze, na'ankure zamagra ama mopafi vahera omni'naze, Nagrama ama mopafi vahe'ma omni'noa kna hu'naze. <sup>15</sup>Nagra ama mopareti zamavre atrogura nosue, hagi havi ne'mofo azampinti zamazeri anovazisanegu nehue. <sup>16</sup>Zamagra ama mopafi vahera omni'naze, Nagra enena anahu hu'na, ama mopafi vahera omni'noe. <sup>17</sup>Tamage kefi zamazeri avusese hunka zamazeri otge huo. Kagri keka'amo'a tamage. <sup>18</sup>Kagrama hunantanke'na ama mopafina e'noankina, Nagra ana zanke hu'na mopa kagi'afi hunezmantoe. <sup>19</sup>Nagra zamagri huzmeri'na avusese hu'na mani otage hu'noe, ana nehuanki'za zamagranena anazanke hu'za Kagrite avusese nehu'za, tamage hu'za mani otage hugahaze.

<sup>20</sup>Nagrma namage nentaza disaipol nagakuke hu'na nunamuna nosue, hagi ke'ni'a huama nehzage'za, Nagrite zamentinti hanaza naga'enenku nehue, <sup>21</sup>ana hanuge'za zamagra maka'mo'za magoke hu'za, Nenfaga, Nagrane mago huta mani'no'a kna hu'za, Tagra ene mago hu'za zamagra mani'nesage'za, kokankokati vahe'mo'za nege'za, Kagra huntankeno e'ne hu'za zamentinti hugahaze. <sup>22</sup>Kagrama hanavema Nagri nami'nana hanavea, Nagra zamagri zami'noe, ana hanuge'za zamagra mago hu'za manisaze. Tagrama mago huta mani'no'a kna hu'za manisazegu zami'noe. <sup>23</sup>Nagra zamagripi manugenka, Kagra, Nagripi mani'nane, hanige'za zamagra magoke zamarimpa hu'za manigahaze. Ana hananke'za ama mopafi vahe'mo'za nege'za, Kagra huntankeno ama mopafina e'ne hu'za nentahi saganaka, Nagri'ma kvesi nante'nana kna hunka, zamavesi zamantegahane. <sup>24</sup>Nenfaga, Nagri'ma nami'nana vahe'zga, Nagrama manisufi manisazegu navenesie, ana hu'ne'za Nagri'ma nami'nana hanavea kesaze, na'ankure Kagra korapa mopa omne'nea knafi, Nagrite kagu'a antenka hanavea nami'nane. <sup>25</sup>Fatgo Nenfaga, kokankoka vahe'mo'za kage'za antahi'za osu'gahazanagi, Nagra kage'na kantahi'na hu'noe, hagi amama namage'nentaza naga'moza antahi'za, Kagra huntankeno e'ne hu'za nehaze. <sup>26</sup>Nagra, Kagri kagi'a hu'ama hu'na zamagrira nezmasamue, hagi'na mago'ene hagerfi'na hu'ama

hu'na zamasmigahue, kvesima nenantana kvesi zamo'a, zamagri zamagu'afi mesige'na, Nagra anazanke hu'na zamagripi manigahue.

**Judasi'a ha' vahe zamazampi Jisasi avarente'nea naneke**  
(*Mat 26:47-56, Mak 14:43-50, Luk 22:47-53*)

**18** <sup>1</sup>Ana nanekema huvareteno, Jisasi'a atreno disaipol naga'ane Kidron agupofi vute'za, ananteti vumare'za mago knagune zafa hoza me'nefi vu'naze. <sup>2</sup>Judasima komoru huntesia ne'mo'a, ana zafa knagune hoza ke'ne, na'ankure Jisasi'a disaipol naga'ane knagune hozafi mago'a knafina zamareno vutere'ma higeno ke'ne. <sup>3</sup>Higeno Judasi'a mago'a Roma sondia kevune, ra mono nonte kva nehaza naga'ene (Gat), vugote'naza prisi vahe'ene, Farisi vahe'enena olivi zafa hozafi tosine, tafentavi'ene, ha'zane eri'nageno zamavreno vu'ne. <sup>4</sup>Mika'zama Agrite fore haniazana, na'ankure Jisasi antahino keno nehuno, Azanku nehakraze? huno zamantahige'ne. <sup>5</sup>Zamagra ana kemofo nona'a Agriku hu'za, Nazareti kumateti Jisasinku nehakrone, hzageno, Nagra ana Nere. Judasima komoru huno ha' vahe zamazampi avrentesia ne'mo zamagrane anante oti'ne. <sup>6</sup>Jisasi'ma anage zamagriku huno, Nagra ana Nere hige'za, zamefiti vu'za mopafi traka truku humse'naze. <sup>7</sup>Ana hzageno, Jisasi'a mago'ene zamantahige'ne, tamagra azanku nehakraze? Hige'za zamagra hu'za, Nazareti kumateti Jisasinku nehakrone. <sup>8</sup>Jisasi'a ke nona'a huno, Ko'ma Nagra ana Nere hu'na tmasmio'ne, Nagriku'ma nehakrehanuta, ama vahera zamatenke'za viho. <sup>9</sup>Agrama hu'neana, ko'ma Agra'ama hunte'nea kemofo nena'a fore hinogu hu'ne. Kagrama nami'nana vahepintira magore hu'na Nagra zamatroge'za afe osu'naze, hu'nea kegu hu'ne. <sup>10</sup>Pita'a ra kazinkno (bainat) eri'nereti anoma'afinti avazu hia zamo vugote'nea prisi ne'mofo kazokzo eri'za nera tamaga kaziga agesa ahe tavrofe atre'ne. Ana kazokzo eri'za ne'mofo agi'a Malakusi'e. <sup>11</sup>Ana higeno Jisasi'a, Pitanku huno, Kazinka'a anoma'afi vazinto. Nenfa'ma nami'nea tin tafempintira (kapu) Nagra onesuo?

**Jisasina avare'za Anasinte vu'naza naneke**

<sup>12</sup>Anante mago sondia kevune, sondia vahete vugota huno kvakri zmante'nea ne'ene, Jiu vahe'mokizmi ati vahe'mo'zane, Jisasi azeri'za azante nofi kinte'naze. <sup>13</sup>Anakite'za esera Anasinte avare'za vu'naze, na'ankure agra Kaiafasi nenemo'e, Kaiafasi'a ana kafumofu agu'afina vugota prisi ne' mani'ne. <sup>14</sup>Korapara Kaiafasi Jiu kva vahera antahintahizamino, hakare vahe'mokizmi nona huno magoke ne'mo frigahie huno hu'neane.

**Pita'a, onke'noe huno Jisasinku hu'nea naneke**  
(*Mat 26:69-70, Mak 14:66-68, Luk 22:55-57*)

<sup>15</sup>Saimon Pita ene, magora Jisasima amage' nentea disaipoli ne'ene Jisasima avare'za Anasinte vazage'za anantega zamavririke vu'na'e.

E'i anama vu'nea disaipoli nera, prisi ne'mo'a ke'nea disaipoli nere. <sup>16</sup>Hianagi, Saimon Pita'a kasante fegi'a otino mani'ne. Ana higeno Jisasi amage' nentea disaipoli nera vugota pris ne'mo ke'nea ne'mo atiramino, kazokzo eri'za mofa'mo kafante kva hu'nea mofa asamigeno, Pitana avreno agu'afi emareri'ne. <sup>17</sup>Anante kazokzo eri'za mofa'ma kafante kva nehia mofa'mo Pitanku amange huno antahige'ne, Kagra ama Ne' amage' nentana disaipol nere, tamage ana nepi? Huno antahigegeno, A'o, Nagra ru nere. <sup>18</sup>Anantera kazokzo eri'za vahe'ene, nonte kva nehaza vahe'ene, tanknuzare teve heg're'za oti'za mani kagi'naze. Na'ankure zasi hige'za teve tohiku hug're'naze. Pita'enena ana tevere uoti'nenno teve tohi'ne.

**Anasi'a, Jisasi agenoka hu'nea naneke**  
(*Mat 26:59-66, Mak 14:55-64, Luk 22:66-71*)

<sup>19</sup>Ana zama fore nehigeno'a, vugota pris ne'mo, amage nentaza disaipol naga'ene, rempi'ma huzami'nea kegu Jisasina agenoka hu'ne. <sup>20</sup>Jisasi ana kenona'a anage hu'ne, Nagra amate mika kaziga naneke hu'noe. Nagra maka zupa Jiu vahe osi mono nompine (sinagog) ra mono noma (tempol), Jiu vahe maka atru nehaza nomofo meg'i'a rempihuzami'noe, Nagra magore huna oku'a nanekea huozmi'noe. <sup>21</sup>Na'anku Nagria nantahi negane? Nentahizage'na huzmasmi'noa vahe zamantahigenka ko, Nagrama hu'noa nanekea, zamagra antahi'naze. <sup>22</sup>Jisasi'ma ana nanekema higeno'a, mago ra mono nonte kva nehia ne'mo, Jisasina avugosafi ruhapatino neheno amange hu'ne, E'inahu hunka vugota pris vahe kerera ke nona hugahano? <sup>23</sup>Jisasi ke nona huno agri asmi'ne, Havigema hu'nesua zanku'ma nehanugenka, havizani'a hufore huo, hianagi tamage kema nehuana nahigenka kagra knonkevea nenamine? <sup>24</sup>Higeno anante Anasi'a nofira ovasneno huntogeno, Kaiafasi vugota pris nete avare'za vu'naze.

**Pita'a onke'noe huno, Jisasinku mago'ene, tare zupa hu'nea naneke**  
(*Mat 26:71-75, Mak 14:69-72, Luk 22:58-62*)

<sup>25</sup>Saimon Pita'a oti'nenno teve tonehige'za, tevere mani'naza vahe'mo'za antahige'za, Kagra'nena e'ina ne' amage' nentana disaipol ne' mani'nampi? Hu'za antahigageno, Pita'a vahane huno, A'o nagra ru nere. <sup>26</sup>Mago vugota pris ne'mofo kazokzo eri'za ne'ma, Pita kazi knonteti (bainat) agesa rutavrofe atre'nea ne'mofona nefu' Pitanku huno, Zafa hozafi Agrane mani'nanke'na kagrira kage'noa nepi, ru nere? <sup>27</sup>Higeno, Pita'a mago'ene vahane nehigeno, ana amage hantaka'a, kokoremo ageru ru'ne.

**Jisasi avare'za Paelati nete vu'naza naneke**  
(*Mat 27:1-2,11-14, Mak 15:1-5, Luk 23:1-5*)

<sup>28</sup>Ananteti zamagra Kaiafasintetira ko'atu avame Jisasina avare'za Roma ugagota kva (gavana) ne'mofo nonte vu'naze. Vunazanagi zamagra

ugagota nemofo kumapina uofre'naze. Ana zamo zamazeri pehena resige'za, Hibru vahe kinafinti zamare'nea knagu antahimiza neza nenaza knare ovuzanku ana hzageno, <sup>29</sup>Paeroti ne'mo zamagritega megia' atiramino eno anage hu'ne, Ama'na nera nankemofo agafare nanekea hu'nentaze? Huno zamantahige'ne. <sup>30</sup>Zamagra kenona hu'za asmi'naze, ama ne'mo'ma hazenke ne'ma omni'nesina, tagra avreta kagritera omosine. <sup>31</sup>Hzageno Paeroti'a zamasmine, tamagratami avaretma tamagri kasegemo hu'nesia kante Agrira keaga huntaho. Jiu vahe'mo'za Paerotinku anage hu'naze. Tagrira vahe'ma zamahe fri'zantera i'o hurante'naze. <sup>32</sup>Ana kema hu'nazana, Jisasi'ma korapa Agrama fritenoma otinia zankuma zamasmine'nea kemo e'ama hu'ne.

<sup>33</sup>E'ina higeno, anante Paeroti'a eteno ugagota vahe (gavana) nOMPI vuno, Jisasina kehuno, Kagra Jiu vahe'mokizmi Kinifi? Huno antahige'ne. <sup>34</sup>Jisasi kenona huno, Kagra kagesafinti ke nehampi, mago'a vahe'mo'za Nagri'kura kasmi nagenka nehano? <sup>35</sup>Paeroti'a ke nona huno, Nagra Jiu ne' mani'nofi? Kagri vahe'mo'zane, ra mono kva vahe'mo'za (hai pris) Kagrira kzerite'za, kvare'za eme nami'naze. Kagra na'a hu'nantere? <sup>36</sup>Jisasi ke nona'a hu'ne, Nagri kumara ama mopafina omne'ne. Ama mopare kva vahe mani'noresina eri'za vahenimo'za, Nagritekura ha' hazage'za, Nagrira navre'za Jiu vahera ozamizasine, hianagi Nagri kumara ama mopafina omne'ne. <sup>37</sup>E'inage higeno Paeroti'a asmi'ne, higenka Kagra kinio? Jisasi ke nona'a hu'ne, Kagra Nagriku'ma kinie nehanana tamage. Ama'na kegafare Nagra ama mopafina efore hu'noe. Nagra ama'na agafare ama mopafina e'noe, tamage naneke huama hunaku e'noe. Maka vahe'mo'za tamage nanekegu zamave'ma nesimo'za, Nagri nagerute zamagesa ante'za nentahiza tamage nehaze. <sup>38</sup>Paeroti'a antahige'ne, tamage nanekea inanknahu ke me'ne? Anagama huteno'a, megia' atiramino Jiu kva vahete vuno anage hu'ne, Mago havizana nagra, Agripina ke'na erifore osue. <sup>39</sup>Hu'neanagi tamagri avu'avate kinafinti tamavare'nea (Pasova) knare mago ne' kinafinti azeri atretere hugahue hu'negu, tamagra ma antahizana nagra kinafintira, Jiu vahe'motma Kini ne' hunte'sugeno vanio? <sup>40</sup>Hige'za kezati'za amanage hu'naze, Ama'na nera avare otre'gahane, hagi Barabasi avare atro, Barabasi'a kumzafa ne'ku hu'naze.

**Paeroti'a Jisasina kinafinti azeri atre'naku hu'nea naneke**

*(Mat 27:15-31, Mak 15:6-20, Luk 23:13-25)*

**19** <sup>1</sup>Anante Paeroti'a huzmantege'za Jisasina sefu ami'naze. <sup>2</sup>Anante sondia vahe'mo'za ave'ave nofite kini vahe'mokizmi fetorikna huza tro hute'za, Jisasi anunte antani nente'za, koranke kukena hunte'naze. <sup>3</sup>Zamagra Agrite ete'vute nehu'za, Husga hunte'za ankaza nente'za, Keho, ama Jiu vahe'mokizmi kinia! Nehu'za avugosafi mago'ene

ruhapa hapa hu'za ahe'naze. <sup>4</sup>Mago'ene Paeroti'a ete atiramino, Jiu kva vaheku amanage huno zamasmine, Keho, ama ne'ma nagrama avare'na tmagrite'ma neoana, antahisazana mago keaga Agri'ma hunte'zana omne'ne. <sup>5</sup>Anante Jisasina ave'ave nofite fetori'ene, koranke kukena antani antetageno, atiramino e'ne. Paeroti'a anage hu'ne, Keho, ama Nera! <sup>6</sup>Vugote'naza pris vahe'ene, mono no kegva nehza vahe'mo'za (gad) Agri'ma nege'za amanage hu'za kezati'naze, aheta hantiho, aheta hantiho! Hzageno Paeroti'a zamasmine, Tamagratmi avretma rugeka zafare ome aheho, na'ankure nagra mago hazenke'a omne'nege'na negoe, huno zamasmine. <sup>7</sup>Jiu kva vahe'mo'za ke nona'a amanage hu'naze, Tagrira kasegetia me'ne, hagi ana kase kemofo amage' anteno Agra frigahie. Na'ankure Agra Anumzamofa Ne'mofavre mani'noe huno hu'ne. <sup>8</sup>Ana kema Paeroti'a nentahino, tusiza huno agra mago'ene amanogura hu'ne. <sup>9</sup>Eteno Paeroti'a kuma'afi ufreno, Jisasinku anage hu'ne, Kagra igati e'nane? Hianagi Jisasi'a magore huno agri kenona'a osu'ne. <sup>10</sup>Ke osigeno, Paeroti'a anage huno asmine, kema hunami'zankura nahigeno kave nosie? Kagra ontahi'nano, Kagri'ma katufe katre hanavene, rugeka zafare kahena hanti hanavema nagrama eri'noana? <sup>11</sup>Jisasi ke nona'a asmine, Kagra Anumzamoma hanavema onkamasina, Nagri'ma kegva hunantega hanavea e'orintesine, hagi monafinkati ne'mo hanigenka anara hugahane. Na'ankure navreno kzampima eme ante'nemo'a, kagrira kagatereno tusi'a kumi hu'ne. <sup>12</sup>Ana kema antahiteno'a Paeroti'a aza huno katufe atrenaku tusiza huno agesa antahi'ne. Hianagi Jiu kva vahe'mo'za kezati'za, kagrama ama ne'ma katufe atresunka, kagra Sisa knampa omni'nane! Mago'mo kini manigahue hanimo'a, Sisana ha' rentegahie. <sup>13</sup>Paeroti'a ana kema haza nentahino, Jisasi avare fegi'a atreno naneke fgagohu trate umani'ne, ana kumamofa agi'a, Havereti simeni hunte'naza kumare nehaze, hagi Hibru/Arami kefina, Gabate hu'za nehaze.

<sup>14</sup>Jiu vahe'mo'za kinafinti zamare'nea knagu antahimiza nenaza (Pasova) ne'za retro tra hunaku nehzageno, zgemo'a feru asegeno Paeroti'a Jiu vaheku huno, Keho, ama tamagri Kinia! <sup>15</sup>Anagema hige'za kezanke hu'za, Avretma viho, avretma viho, Agrira aheta hantiho! Nehzageno Paeroti'a zamantahige'ne, Nagra, tamagri Kinia ahena hantisuo? Hige'za pris vahe'mo'za ke nona'a hu'za, Tagri kinia magora omni'neanki, Sisa agrake mani'ne. <sup>16</sup>Anagema hzageno Paeroti'a Jisasina ahe'zama keka zafare hantihogu zamige'za Jisasina azeri'naze.

#### **Keka zafare Jisasi ahe'naza naneke**

*(Mat 27:32-44, Mak 15:21-32, Luk 23:26-43)*

<sup>17</sup>Anante Jisasi'a keka zafa'a erino, vahe anu zaferine nehaza mopare, Hibru kefina Golgote nehazare erino vu'ne. <sup>18</sup>E'i anante Jisasina nehe'za, tare netrena ruga raga asopare znahe'za rugeka zafare nehanti'za,

Agrira amu'nompi hanti'naze. <sup>19</sup>Paeroti'a mago avona kreno, ana keka zafare hanti'ne. Anage huno kre'ne, JISASI'A NAZARETI NERE, JIU VAHE'MOKIZMI KINIE. <sup>20</sup>Huno krente'nege'za hakare Jiu vahe'mo'za hampri'za ke'naze. Na'ankure Jisasima ahe'za hanti'naza mopa, rankuma tva'onte me'ne, ana kema krente'neana Hibru kefine, Latini kefine, Griki kefima huno ana avona krentene. <sup>21</sup>Anante Jiu vahe'mokizmi vugota pris vahe'mo'za Paerotina asmi'za, Jiu vahe'mokizmi Kinie hunka onkrenka, hagi Agra'a huno, Nagra Jiu vahe'mokizmi Kinie huno hu'ne hunka kro hu'za asmi'naze. <sup>22</sup>Paeroti'a ke nonazmire zamasmino, Inankna keo nagrama krente'noana hago krente'noe.

<sup>23</sup>Anante sondia vahe'mo'za, Jisasi rugeka zafare ahe'za hantite'za, amegati kukena'a eri refko hu'za 4'a kevu ante'naze, mago'mo mago kevu eritere hu'are, avate kukena'ama hati'nazana eri mago hu'za anagamuti hati'za fenkamu urami'naze. <sup>24</sup>Hige'za sondia vahe'mo'za ke hugantu hugma hu'za, erisagnera osinkero, hagi satu zokago reta kesune, aza erisifi, e'i ana kemo Anumzamofa avon tafe'mo hu'nea ke eriamu hu'ne, ***Zamagra amega kena'ni'a amu'no zamifi fagago hu'za eri'naze, zamagra nagri kenarera, taisi zokago re'naze.*** (Sam-Zga 22:18) Anama kre'naza kante anteza sondi'a vahe'mo'za ana kemofa eri knare hu'naze.

<sup>25</sup>Hianagi Jisasi ahe'za hanti'naza keka zafamofa agafafina, Agri nereraki, nererana nenunknaki, Klopas nenaro Mariaki, Magdala kumateti Mariaki hu'za oti'naze. <sup>26</sup>Nerera'ene, amage' nentegeni avesi nentea disaipoli ne' ene anante oti'nakeno Jisasi'ma neznageno'a, Agra nereranku huno, Amoka ko, ama'ne kagri ne'mofavrea! <sup>27</sup>Anante amage' nentea disaipoli neku hu'ne, Ko, kagri negrera'a ama'ne! Ana knareti agafa huno amage' nentea disaipoli ne'mo ana ara avreno noma'are vu'ne.

### Jisasi fri'nea naneke

(Mat 27:45-56, Mak 15:33-41, Luk 23:44-49)

<sup>28</sup>Anama huteno'a, Jisasi antahino keno hiamu maka'zamo hago vgaregeno, Anumzamofa avontafemo hu'nea kea eriknare huteno, *tinku navenesie*, huno hu'ne. (Sam-Zga 69:21) <sup>29</sup>Mago mopa kavofi akake waini ti aviteno anante menege'za, kapuki eri'za hisopu zafare anakite'za, ana aka waini timpi rete'za (spons) erisaga hu'za agite ante'naze. <sup>30</sup>Ana hzageno Jisasi'ma ana akake waini tima neteno'a, Agra hu'ne, Ha vgare! nehuno Agra kepri huno avamu'a atre'ne.

<sup>31</sup>Anante retrotra huknazmi me'negu hu'za, mni fruhu kna (sabat) efregahianki rugeka zafare kerfa'a omnesie hu'naze, (na'ankure kinafinti zamavre'nea knagu antahimiza ne'za nenaza knane, mni fruhu (sabat) knanena magoka ra kna'zmi me'negu hu'za,) Jiu kva vahe'mo'za huza, zamagia ru hantagi tenketa, anante fri kerfa eri mopafi atreta, erita vamneno hu'za Paeroti antahige'naze. <sup>32</sup>Higeno sondia vahe'mo'za e'za,

Jisasine znahe'za hanti'naza netremo'kizni znaga ru hantagi'naze, pusante mago'mofo ru'hantagiteno, mago'mofona henka ana hu'ne. <sup>33</sup>Hianagi Jisasinte'ma e'za eme kazana, ko fri'nege'za tarega agia ruha'ontagi'naze. <sup>34</sup>Hianagi mago sondia ne'mo krugru kevereti Agrira asopafi regeno, hantaka huno korane, avufa rimo'ene herfino evu'ne. <sup>35</sup>E'i ana zama ke'nea ne'mo ama naneke huama huno kre'ne, agrama hu'nea naneke tamage hu'ne, agra antahi'nenom tamage huno nehie. Ana hanigenka kagranena anazanke hunka kmentinti hugahane. <sup>36</sup>Na'ankure ama anazama fore hu'neana, Anumzamofom avontafepi kre'nea nanekemo nena'a fore hanigu huno, **agri zaferina magore huza ruha ontagigahaze hu'ne** (Sam-Zga 34:20) <sup>37</sup>Ete mago avontafemo mago'ene huno, **Zamagra zamuma kesazana, agri'ma krugru asopafi re'namofonte kegahaze** huno hu'ne. (Sek 12:10)

**Jisasima havegampi eri asente'naza naneke**  
(Mat 27:57-61, Mak 15:42-47, Luk 23:50-56)

<sup>38</sup>Anazama vgaregenom Arimatia kumateti ne' Josefe, Jisasi amage' nentea disaipoli ne'mo, Jiu kva vahe koro nehuno oku'a Jisasi fri'kerfa erinom vanigu Paerotina antahige'ne. Antahige'genom Paeroti'a hugnare huntengenom agra vunom Jisasi fri'kerfa ome erinom vu'ne. <sup>39</sup>Nikodimasi mago kenage, Jisasinte e'nea ne'mo, Josefe'ene tragotenom enom, mana nentake msavena miane, alone, magopi tagi havia hu'nea masvena kna'zanimom 34 kilo'nazam hu'nea erinom vu'ne. <sup>40</sup>Anante znagom Jisasi fri'kerfa eri'ne, ana masaventami avufare frente'ne, tvarave tafepi frikerfa'a kargina'e. Jiu vahe'mo'zav vahe ase nezmante'zav nehazam avu'avam hu'na'e. <sup>41</sup>Anama ahe'zav Agri'ma hanti'nazam kazigam hozam me'negenom, anante ksefam haveganam, vaheram ase ozmante'nazam havegam ana hozafinam me'ne. <sup>42</sup>E'inam hu'negu Jiu vahe'mokizmi mni fru hunaku retro tram nehazam kna'zmi (sabat) atupam hig'e'zav, ana tva'ontem me'neam havegampi Jisasinam eri'zav ome asente'nazem.

**Jisasi fri'nefinti oti'neam naneke**  
(Mat 28:1-8, Mak 16:1-8, Luk 24:1-12)

**20** <sup>1</sup>Pusam zgegna Sontam zupam msam osu'negenom, ko'atuhanimpi Magdala kumateti Mariam, Jisasi asente'nazam keriregam kenakuhnatinom ome keanam, ana keriam agite runknire'nazam haveam ko atufem atre'negenom ome ke'ne. <sup>2</sup>Ome keamam agite renkanire have retufem atre'nagenom, ete rukrahem hunom agarenom enom Saimon Pitanam, mago amage nentengenom Jisasi avesinenteam disaipoli ne'neam eme znasmi'ne. Ramofom fri'kerfa'a kerifintiram hagam erisagam hu'zav igam Agriram ome antenafim onke'none. <sup>3</sup>Zanasamigem'ne Pita'neam mago'mam amage' ante'neam disaipoli ne'neam ana keriam ome kenakum vu'na'e. <sup>4</sup>Taregam'mokem znagam re'ne nevapintim, mago'mam amage' ante'neam disaipol ne'mom, Pitanam agterenom kagotam hunom

asente'naza havegantera uhanati'ne. <sup>5</sup>Uhnatino upri huno ome keana anoma vazinte'naza tavrave (linen) anante me'negeno ke'ne, hagi agra ana havegamofu agu'afinka umre ori'ne. <sup>6</sup>Anante Saimon Pita'a amage'a ne-ereti ehnatino ana havegampi evumareri'ne, marerino ome keana avufare karagi'naza tavrave anantera me'negeno ke'ne, <sup>7</sup>avugosafi tavravene Jisasi anunte karaginte'naza tavravene, avufare karaginte'naza tavravenena, omne'negeno ke'ne. Hianagi avugosafi tavravea regazri'za rure antageno me'negeno ke'ne. <sup>8</sup>Anante amage nentea disaipoli ne'ma ese'ma kerire ehanati'nemo, mrrerino ome negeno tamage huno amentinti hu'ne. <sup>9</sup>Na'ankure Anumzamofu avontafepima Jisasi friteno otigahie hu'naza nanekea, zamagra antahi ani osune'za ana hu'naze. <sup>10</sup>Ana huteke tarega amage' nenta'a disaipol ne'tremo, noznirega atre'ne vu'na'e.

**Magdala kumateti Mariante Jisasi efore hu'nea naneke**

*(Mat 28:9-10, Mak 16:9-11)*

<sup>11</sup>Hianagi Maria'a fegi'a ana havegante oti'neni zvi neteno mani'ne. Zavi netereti pri huno ana have kamofu agu'afinka keana, <sup>12</sup>tare ankeri netremo efe kukena hute'ne mani'nakeno, Jisasi antemse'nare znage'ne, mago'mo agama me'nea kaziga manigeno, mago'mo asenima me'nea kaziga manigeno hu'na'e. <sup>13</sup>Znagra ana a'mofonku amange hu'na'e, Ama a'moka na'anku zvira netane? Maria ke nonazniri huno, na'ankure Ranimofona inantega eri'za vu'nazo, inantega ante'nazo nagra ontahi'noe. <sup>14</sup>Anagema a'mo huteno rukrahe'ma hiana, Jisasi anante oti'negeno keanagi, Jisasi'e huno ontahi'ne. <sup>15</sup>Jisasi ana a'ku huno, A'moka na'anku zavira netane? Azanku nehakrane? Na'ankure ana a'mo antahiana hoza kva nehia nere nehuno Agriku hu'ne, Kva vahe'moka, Jisasi inante ome ante'nampi naveri hananke'na Agrira ome eri'na vugahue <sup>16</sup>Jisasi ana a'ku hu'ne, Maria! Higeno a'mo rukrehe huno Jisasi Hibri kefinti, Rabonai! (ana kemofu agafa'a Hibri kefina Hurami ne're) hu'ne. <sup>17</sup>Jisasi'a ke nona'a huno, Nagra eme navako osuo, na'ankure Nenfante mreori'noe, hianagi vunka nafu'heina ome zamasmio, Nagri'ene tmagri'ene Nenfante, Nagra mrrerigahue. Nagri Anumzane tmagri Anumza mani'nerega, vugahie hunka ome zamasmio, <sup>18</sup>Magdala kumateti Maria'a ete rukrahe huno eazamo, amage' nentaza disaipol naga'a eme zamasmio, Nagra Ranimofona ke'noe! Ana a'mo Jisasi'ma hu'nea ke eme zamasmio'ne.

**Amage' nentaza disaipol naga amu'nomp Jisasi efore hu'nea naneke**

*(Mat 28:16-20, Mak 16:14-18, Luk 24:36-49)*

<sup>19</sup>Ana zupa kinaga, eri'za knamofona ese zupa Sonta, haninkige'za amage nentaza disaipol naga'mo'za Jiu kva vaheku zamagoro hu'za kafa eri ki'za no agu'afi mani'nageno, Jisasi eazamo amu'nozmifi eme otino



zamagriku anage hu'ne, Tamarimpamo fru hino, huno zamasmi'ne. <sup>20</sup>Anagema Agra huvgareteno, tarega azane, ratimpa avufane zamaveri higeza nege'za amage' nentaza disaipol nagamo'za, Rantie hu'za muse hu'naze. <sup>21</sup>Ru'ene Jisasi zamasmi'ne, Tamarimpamo fru hino, Nenfa hunantege'na e'noaza hu'na, Nagra anazanke hu'na huneramantoe. <sup>22</sup>Anage Agra huteno, Jisasi asimua zamagrite huhu huvazi nezmanteno, Ruotge Avamu eriho. <sup>23</sup>Hagi tamagra vahe'mokizmi kumi atre zamantesageno'a, kumi'zmia atre zamantegahie, hagi tamagra ma kumi'zmi atre ozmante sageno'a, atre ozmante'gahie.

### Tomasi, Jisasinku hu'nea naneke

<sup>24</sup>Hianagi Tomasi, mago 12fu'a amagema nentaza disaipol nagapinti, Didimasi'e nehazana, ana agimofu agu'agesa kugavezare nehaza ne'mo Jisasi'ma e'nea zupa omni'negeno e'ne. <sup>25</sup>Ana hu'negu mago'a amage nentaza disaipol nagamo'za asmi'za, Tagra Ramofona ke'none! Hianagi agra ke nona zamire zamasmimo, Azante niri afuhe nege'na niri afuhete avako nehu'na, ratimpare nazama avako hutesu'nage, nagra namentintia hugahue.

<sup>26</sup>7'a zgegna agaterege'za, rosaza hu'za amage' nentaza disaipol nagamo'za, Tomasi'ene magopi kafana erigi'za mani'nazageno, zamagri amu'nompi Jisasi eme otino, Tamarimpa fru eriho, huno hu'ne. <sup>27</sup>Anante Tomasinku huno, Kza antegma atenka kza avozareti, Nagri nazana avako hunka ko. Kza antegma atenka nasopare antenka ko. Kmentintifina krogro onkio, hianagi kamentinti huo. <sup>28</sup>Tomasi ke nona huno Jisasi asmi'ne, Nagri Ranimoka, nagri Anumzane! <sup>29</sup>Jisasi agriku hu'ne, Kagra Nagri nagetenka kmentintia hugahampi? Onage'neza zamentinti hanamo'za, Asomura erigahaze, huno Jisasi'a hu'ne.

<sup>30</sup>E'izanku hakare'a kaguvazama Jisasi'a amage nentaza disaipol naga'mokizmi zamufi huzmeri'ne. Ana zantmina ama avontafepina kre onte'noe. <sup>31</sup>Hianagi ama kre'naza avomo hugasmisigenka kmentinti nehunka, Jisasi'a Tzahu ne', Anumzamofu Ne'mofavre, Kraisi'e hunka kmentinti hanunka kagra manivava mani'zana Agri agireti erigahane.

### Jisasi 7ni'a disaipol naga'are Galili efore huzami'nea naneke

**21** <sup>1</sup>Henka'a Jisasi'a mago'ene Taeberias mago agi'a Galili tiru ankenare, amate efore huzmerige'za amage' nentaza disaipol naga'amo'za ke'naze. Ama'amokizmire efore hige'za ke'naze. <sup>2</sup>Saimon Pita'ma, Tomasi mago agi'a Didimasi'ma, Natanael Kana kumateti ne'ene, Zebedi nemofokegi, tare amage' nenta'a disaipol netrene atru hu'za mani'naze. <sup>3</sup>Saimon Pita zamasmimo, nagra nozame kuko atreku nevue higeno, tagra anazanke huta magoka vugahune, nehu'za ventefi mreri'za vu'naze. Ana kengera magore hu'za nozamea avazu osu'naze.

<sup>4</sup>Anante ko'ma atigeno, nanterana Jisasi'a tinkenare oti'neanagi, amage nentaza disaipol naga'mo'za, Jisasi'e hu'za keso'e osu'naze. <sup>5</sup>Anante Jisasi zamasmine, Mofavre nagare tamagra nozamea avazu osu'naze, tamageo? Huno zamantahigege'za, zamagra ke nona'a izo avazu osu'none, hu'za hu'naze. <sup>6</sup>Agra zamasmino, kukon tmia eritma ventemfofo tmaga kazigati omo atretma, mago'a nozamea avazu hugahaze. Hige'za ana kukoma atrete'za, avazu hu'zanku kasgeke hu'naze, na'ankure rama'a nozamemo ana kukompi frevitege'za ana hu'naze. <sup>7</sup>Jisasi'ma avesi nentea disaipol ne'mo Pitanku anage hu'ne, antu e'i Ramo'e! Saimon Pita'ma antahiamma Rane higeno'a, amega kukena'a eri hankre'ne, (na'ankure timpi eri'za erinaku agra atova hutre'nereti ana hu'ne), timpi tkaureno nagosa runo ti ankenarega vu'ne. <sup>8</sup>Hianagi mago'a amage' nentaza disaipol naga'mo'za osi ventefi e'naze, na'ankure mopa afete'are omne'negeze. Hagi 100ti'a mita zaza'a hu'nege'za nozame zgamo avi'ma te'nea kukona avazu huzma e'naze.

<sup>9</sup>Zamagrama tinkenare e'za eme kazana tanknuza (sakol) teve hegre'nare, mago nozamene, breti'ne ana tevere menege'za ome ke'naze. <sup>10</sup>Jisasi, zamagriku huno, Menima azeri'za nozamefinti mago'a eritma eho. <sup>11</sup>Higeno Saimon Pita'a ventefi mrerino ana kukona avazu huno tinkenare e'ne. Ranra nozamea 153'amo avite'ne, mago'a rama'a nozamemo kukompina ufre'neanagi, ana kukona tagato osu'ne. <sup>12</sup>Jisasi'a zamagriku anage hu'ne, Eta nantera ne'za eme neho. Hianangi amage' nentaza disaipol nagapinti mago'mo, Kagra azage, hu'za antahige'zankura koro hu'naze, na'ankure zamagra Rane hu'za ko antahi'naze. <sup>13</sup>Jisasi eno breti emerino zamagrira nezmino, nozamea anazanke huno zami'ne. <sup>14</sup>Fri'nefinti Jisasi'ma otino zameri'neana, tagufa (3) zupa amate efore huzmerige'za amage' nentaza disaipol naga'mo'za ke'naze.

### **Jisasi'a Pitanku sipisipi zgani'a kva huo hu'nea naneke**

<sup>15</sup>Nantera ne'zama nehna hutageno, Jisasi'a Saimon Pitanku huno, Saimon, Joni nemofoga, kagra ama vahe'zga zamagterenka Nagrikura kvesinenantampi? Huno antahi'gegeno, Ozo Ramoka, Kagra antahi'nane, nagra navesi negantoe. Jisasi'a asmimo, sipisipi nagani'a ne'za zamio. <sup>16</sup>Jisasi'a tare zupa mago'ene asmi'ne, Saimoni, Joni nemofoga, Nagrikura kve'nesio? Ozo, Ramoka, Kagra antahi'nane nagra Kagrira navesi negantoe, Jisasi agriku hu'ne, Sipisipi zga'ni'a kegva huo. <sup>17</sup>Jisasi'a tagufa zupa ana kege huno asmi'ne, Saimon, Joni nemofoga, Nagrikura kvesi nenantano? Higeno Pita'a arimpa kna hu'ne, na'ankure tagufa zupama Nagrikura kve'nesio? Huno antahigea zankure. Pita'a Agriku hu'ne, Ramoka, Kagra maka'zana antahi'nane. Nagrama navesi negantoana Kagra antahi'nane. Higeno Jisasi ke nona'a asmimo, Sipisipi zga'ni'a ne'zana zamio hu'ne. <sup>18</sup>Tmagerfa hu'na negasmue, Kagrama kahefa'ma

mani'nantera kenakarera kamu'nofi hunka kvesi'zante kana vano hu'nane, hianagi ranafa resunka, kzana rutaesanke'za rumo'za kagrira kukena hugante'za, ovuku hanantega kavare'za vugahaze. <sup>19</sup>(Menima Jisasi'ma hu'neana, Pitama henka frino Anumzamofoma ra agi ami'nia zanku huama hu'ne.) Ana kema Agra huteno, Jisasi'a Pita asmino, Namage anto! Huno asmi'ne.

**Pitane, Jisasima avesi nentea aposol ne'mofo naneke**

<sup>20</sup>Pita'a rukrahe huno keana, Jisasi avesi avesi hunentegeni amage' nentea disaipoli ne'mo znavaririno e'ne. Ana nera Jisasi ahihi'zafi umase tragoteno ne'zama nenafima antahigeno, Ramoke, iza Kagrira vahe zamazampina kazerino antegahie? Huno antahige'nea ne' e'ne. <sup>21</sup>Pita'ma ana ne' negeno'a, Jisasina antahige'ne, Ramoke, ama nera nankna hugahie? <sup>22</sup>Jisasi ke nona'a agri asmino, Nagrama, Agriku mani'nesige'na ete'na esuema hanua knarera, kagri'zana omne'neanki, na'ane hugahane? Kagra namage anto! <sup>23</sup>Higeno anama hu'nea kemo'a Jisasinte zamentinti nehaza nagate vuno eno higeno, ama'na disaipol nera ofrigahie hu'naze. Hianagi Jisasi'a, agrikura ofrigahie huno osu'ne, hianagi frisiko manisio Nagrama mani'nesigena e'tena esue hanuazamo'a kagri'zana omne'neanki, na'ane hugahane? huno hu'ne.

<sup>24</sup>Ama'na disaipol ne'mo agra'a amazana huama huno ana zantamina kre'ne, hige'ta tagra antahita agri kegura (testimoni) tamage huta nehune.

<sup>25</sup>Hagi hakare ruga'a zama Jisasi'a hu'nea zana me'ne, ana maka'zama avon tafepima kre'neresina, nagrama antahuana ama mopafina avon tafemo'a titipa higeno, anama kraza avontafe ante kankamuna omneresine.